

**Oqaluuserisassat ataatsimiinneq ammasoq:**

Imm. 01 Oqaluuserisassat akuersissutigineri

**Aningaasaqarnermut tunngasut**

Imm. 3.1 Ukiumut 2025-mut naatsorsuutitut nalunaarusiaq

Imm. 3.2 2027-mut missingersuusiornissamut, ukiunullu 2028-mit 2030 tikillugu missiliuusiornissamut piffissaliussassatut killiliussassatullu siunnersuut

Imm. 3.3 Sanaartornermut naatsorsuutitut qulit, Sisimiut aamma Maniitsoq, 2015-imiit 19-mut

Imm. 3.4 Kommunip containerinik inissiisarfianik attartornermut akigititat

Imm. 3.5 Makkorsip aqq. B-904 ip aningaasatigut misissuiffigineqarnera

**Suliassat nalinginnaasut**

Imm. 4.1 BDO-p allanngortiternera

Imm. 4.2 Oqaluuserisassatut siunnersuut – Tasersiamut tunngasumut Qeqqata Kommunian annertunerusumik peqataatinneqarnissaa Namminersorlutik Oqartussanut piunasaqarnissaaq

Imm. 4.3 Oqaluuserisassatut siunnersuut – Sanaartornermut aningaasaliissutaasartut pisariaqartitsineq aallaavigalugu agguarneqartalernissaa

Imm. 4.4 Oqaluuserisassatut siunnersuut – Sisimiuni akiani nunaminertat suliffeqarfinnut sanaartorfissat

Imm. 4.5 Oqaluuserisassatut siunnersuut – Aalisartut piniartullu ineriartortitsinermi siunnersortissamik aningaasaliissutit iluani pilersitsisoqqarnissaa

Imm. 4.6 Oqaluuserisassatut siunnersuut – Init pioreersut atunngitsut atorluarnissaa

Imm. 4.7 Oqaluuserisassatut siunnersuut – 2032-mi Saviminilerinermik Ilinniarfiup atulernissaanut piareersarnissaaq

Imm. 4.8 Oqaluuserisassatut siunnersuut – Nalunnguarfiup Tasiata kujataatungaani sisoraartarfiup piaartumik perusuersartafilernissaa

Imm. 4.9 Oqaluuserisassatut siunnersuut – Sisimiuni sisortarfissaliornissamut aningaassaliissutit peerneqarnissaa

Imm. 4.10 Oqaluuserisassatut siunnersuut – Ataatsimiitaliamik nutaamik pilersitsinissaaq

Punkt 4.11 Itillimi katersortarfiup Kateriffimmik taaguuteqartup maleruagassai

**Paasissutissiissutit**

Imm. 6.1 Ilaqtariinnut inerisaaviup siunertaata quppersagaliarineqarna, Qeqqata Kommunian

Imm. 8.1 Tamalaat

Ataatsimiinneq ingerlanneqassaaq videokonference atorlugu aallartilluni nal. 08.30

*Peqataasut:*

***Atassut***

Bitten Heilmann

***Demokraatit***

Rachel Ingemann

Erne Olsen

***Inuit Ataqtigiit***

Juliane Enoksen

Nivi H. Efraimsen

***Naleraq***

Jens M. Lyberth

Steffen Johansen

Nathan Møller

Karl Lyberth

***Siumut***

Malik Berthelsen

Evelyn Mølgaard

Barnabas Larsen

Hans Frederik Olsen

Sika Zeeb-Olsen

***Attaviitsoq***

Gideon Lyberth

**Imm. 01 Oqaluuserisassat akuersissutigineri**

**Aalajangiineq**

### Imm. 3.1 Ukiumut 2025-mut naatsorsuutitut nalunaarusiaq

Journalnr. 06.03.01

#### Tunuliaqutaq

Borgmesterip aallaqqaasiutaanik, naatsorsuinermit periutsumik, kommunip suliaqarfiinik nassuiaanermik, angusat naatsorsorneqarneranik kiisalu pinngitsoorani ilanngussassat pillugit takussutissamik tullerriaakkamik imaqtartumik, 2025-mut Ukiumut nalunaarusiassatut inaarutaasumik allaffeqarfik suliaqarnikuvoq.

Siusinnerusukkut Naatsorsuutit kommunip ataatsimiititaliaanut assigiinngitsunut saqqummiunneqartarnikuvoq, taamaattorli 2025-mut Naatsorsuutit 2025 ukiumut naatsorsuutit Aningaasaqarnermut ataatsimiititaliamut Kommunalbestyrelsimullu taamaallaat saqqummiunneqassapput. Kukkunersiuisut naatsorsuutit kukkunersiornikuuaat aammalu 2025-mut Ukiumut naatsorsuutitut Kukkunersiuisut atsiornerat ukiumut nalunaarusiap ilaatut ilanngunneqarpoq.

#### Maleruagassatigut tunngavigisat

Kommunit aqunneqarnerat (Aqutsinermit inatsit) pillugu Inatsisartut inatsisaanni § 41 naapertorlugu kommunalbestyrelsimut suliaassannortitassamik ukiumut arlalinnut missingersuutitigut missiliummik Aningaasaqarnermut ataatsimiititaliaq suliaqassaaq. Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. november 2016-meersoq, kingusinnerusukkut Inatsisartut inatsisaat nr. 24, 28. maj 2018-imeersutigut aamma Inatsisartut inatsisaat nr. 13, 1. december 2021-imeersutigut allannortinneqarnera tunngavigalugu inatsit naleqqussarneqarpoq. Allannuutini ilaatigut missingersuutit inissisimanerannik naatsorsueriaatsimik naleqqussaanermik, nammineq aningaasaatinik naleqqussaanissamut ataasiaannartumik akuersissummik kiisalu pisortat ataatsimoorlutik qarasaasiaat pillugit malittarisassanik erseqqissaanermik imaqtartut.

#### Pissutsit atuuttut

2025-mut Ukiumut naatsorsuutini ingerlatsinermit 24,4 mio. koruuninik ataatsimut ilassutitut aningaasaliissuteqarpoq, tassani kommunip pisasaanik nalikilliliinermut atatillugu isertitanut 4,4 mio. koruuninik ilassutitut aningaasaliissuteqartoqarnikuulluni.

#### Eqitsit 1: Qeqqata Kommunianut 2025-mut ukiumut naatsorsuutit

	OPR Budget	OMP	TB	Budget 2025	Forbrug 2025	Restbudget	Forbrug 2024
<b>Indtægter</b>	<b>-993.092.000</b>	<b>97.000</b>	<b>4.443.946</b>	<b>-988.551.054</b>	<b>-1.048.957.500</b>	<b>-60.406.446</b>	<b>-985.119.023</b>
<b>Driftsudgifter</b>							
Økonomi Udvalg	103.366.000	3.017.575		106.383.575	92.764.163	-13.619.412	90.978.507
Teknik Udvalg	77.197.000	-160.733	10.432.932	87.469.199	81.031.558	-6.437.641	71.898.391
Uddannelses Udvalg	298.587.000	-1.713.496		296.873.504	298.819.551	1.946.047	292.840.714
Velfærdsudvalg	391.554.000	-740.346	13.929.850	404.743.504	411.582.416	6.838.912	390.994.278
<b>Driftsudgifter i Alt</b>	<b>870.704.000</b>	<b>403.000</b>	<b>24.362.782</b>	<b>895.469.782</b>	<b>884.197.687</b>	<b>-11.272.095</b>	<b>846.711.889</b>
<b>Resultatet før Anlægsudgifter</b>	<b>-122.388.000</b>	<b>500.000</b>	<b>28.806.728</b>	<b>-93.081.272</b>	<b>-164.759.813</b>	<b>-71.678.541</b>	<b>-138.407.134</b>
<b>Anlægsudgifter</b>							
Teknik Udvalg	168.937.000	-500.000	191.132.486	359.569.486	114.922.882	244.646.604	91.735.016
Økonomi Udvalg - IT administrations projekt	4.126.000			4.126.000	2.251.378	1.874.622	1.490.082
<b>Total</b>	<b>173.063.000</b>	<b>-500.000</b>	<b>191.132.486</b>	<b>363.695.486</b>	<b>117.174.260</b>	<b>246.521.226</b>	<b>93.225.098</b>
<b>Årets Resultat</b>	<b>50.675.000</b>	<b>-0</b>	<b>219.939.214</b>	<b>270.614.214</b>	<b>-47.585.553</b>	<b>-318.200.753</b>	<b>-45.182.036</b>

Aningaasaqarnermut ataatsimiititaliap ataani atuilluartuunissamut suliniutinut 2,2 mio. koruuninik immikkoortitsisoqarnikuvoq. Ilutigitillugu ingerlatsivinnit allaniit Sulisoqarnermut

immikkoortorta qarfirmi aningaasartuutitut 3,0 mio. koruuninik nuutsisoqarnikuuvoq. Teknikkeqarnermut immikkoortortami 2025-mi missingersuutit 10,4 mio. koruuninik qaffariaateqarnikuupput, taakkunannga 4,9 mio. koruunit ESANI-mut ingerlatsinermi aningaasartuutitut ator-neqassallutik, Atugarissaarnermullu immikkoortortamut 13,9 mio. koruuninik aningaasaliisoqarnikuulluni.

Tamatuma saniatigut 2025-mi sanaartornermut suliniutinut 2,5 mio. koruuninik ilassutitut aningaasaliisoqarnikuuvoq aammalu 2024 aamma 2025 akornanni 188,7 mio. koruuninik nuutsisoqarnikuulluni.

Tassunga oqaatigineqassaaq 2025-mi Qeqqata Kommuniani sanaartornermut suliniutinullu annertunerusunut aningaasanik atuisoqarnikuusoq. Tamanna ilaatigut Maniitsumi Atuarfik Kilaaseqqamik nutarterinermik aammalu bussinik inissiisarfirmik nutaamik sanaartornermik, Kangaamiut Atuarfi-anik nutarterinermik, Sarfannguani illu tamatigoortumik sanaartornermik kiisalu Sisimiuni ATV-nut aqqummut immikkoortoq 2-mi inaarssaanermik patsiseqarput.

Ingerlatsinermut missingersuutinik 38,8 mio. koruuninik qaffaanermut ilutigitillugu missingersuutini nutartikkani ukiumut ingerlatsinermut aningaasartuutit 11,3 mio. koruuninik appasinnerunerat naammaginangilaq, ingerlatsinermut aningaasaliissutit pillugit qinnuteqartoqannginnermi aningaasaqarnikkut missingersuutit pitsaanerulersissinnaagut oqariartuutaammat.

#### Ukiumut naatsorsuutitut 2025-mut kukkunerisuiisut nalunaarusiaat.

Ukiumut 2025-mut naatsorsuutit pillugit BDO Kukkunerisuiisunit nalunaarusiat tullinnguuttut tignikuuvoq:

- 2025-mut Namminersorlutik Oqartussat immikkoortorta qarfi pillugit Kukkunerisuiisut nalunaarusiaat nr. 49,
- 2025-mut ukiumut naatsorsuutitut Kukkunerisuiisut nalunaarusiaat nr. 50.
- Taakku saniatigut kukkunerisuiisut oqaaseqaateqarfigisimasaannik tullinnguuttunik tigusaqartoqarnikuuvoq:
  - Qeqqata Kommunianut Ukiumut nalunaarusiaq 2025
  - Namminersorlutik Oqartussat naatsorsuutaat – Qeqqata Kommunianut 2025
  - Isumaginnittoqarfirmi utertitat 2025, Qeqqata Kommunianut

Nalunaarusiat oqaaseqaateqarfigineqarsimasullu ilanngussani ilanngunneqarput.

2025-mut kukkunerisuiinermut inerniliineq: Kukkunerisuiineq ingerlanneqarnikuuvoq nangaasuteqarnissamullu tunngaviliinikuunani.

Kukkunerisuiisut nalunaarusiaannut nr. 49-mut kukkunerisuiisut kukkunerisuiinermut oqaaseqaatissaqanngillat.

Aningaasaqarnermut ataatsimiititaliamit Kommunalbestyrelsimiillu oqaaseqarfigineqartussaasunik Kukkunerisuiisut nalunaarutaani nr. 50-mi kukkunerisuiisut oqaaseqaataannik marlunnik oqaaseqaateqarnikuupput.

#### *2.2.2 Qarasaasialerinermit misissuineq*

*Qarasaasiatigut atortulersuutit Kommunip atugai illup avataanit pisiortorfinnit ingerlanneqarput ineriartortinneqarlutillu. Taamaalilluni Kommuni atortulersuutit (IT-systemer) tamakkua paasisstissat eqqortumik isumaginissaanik aammalu kommunimi qarasaasianut naqiterneqartunut tunngatillugu eqqortumik illuatungaani anisarnissaannut "pituttorsimavoq".*

*Taamaattumik qarasaasiatigut atortulersuutini pisiortorfiit kukkunersiuisup uppernarsaataanik aallerfigineqarnissaat kommunip isumagisariaqarpaa, taamaalilluni paasisutissat eqqortumik atortulersuutini isumagineqarnersut kiisalu pisiortorfiit ingerlaavartumik nakkutiginninnerat qularnaarniarlugu uppernarsarneqarniassamat.*

*Innersuussut Prisme-mut, Winformatik-imut Akissarsianut system-imullu atuuppoq.*

#### Allaffeqarfimmit akissuteqaat

Prisme, Winformatik aamma akissarsianut systemit ilanngullugit kommunip systemit atugaanut kukkunersiuisut uppernarsaataat pigineqanngillat. Kalaallit Nunaanni kommunit sinneri suleqatigalugit kommuni uppernarsaatinik taamaattunik pissarsisoqarnissaa pillugu pisiortorfini arlaleriarlugu qinnuiginikuuaa. Tamannali angunissaa periarfissaasimannigilaq, kukkunersiuisut uppernarsaataanik suliaqarnermik attuumassutilimmik aningaasartuutit malunnaatilimmik annertuneranik peqquteqartut pingaarnertut nalilerneqarpoq.

Naatsorsuutini eqqortumik ikkussisarnermik ingerlatsinernillu nakkutiginnittumik ukkataqartoqarluni kommunip ERP-mik sullississutaa ingerlaavartumik misissuiffigineqartartoq oqaatigineqarpoq. Systeminut atorineqartunut appakkaannissamat aqutsineq kommunip Active Directory (AD) aqutugalugu suliarineqartarpoq, tamatumalu qulakkeerpaa atuisut appakaassinnaanerannik qitiunerusumik assigiiaarnerusumillu ingerlatsinissaq.

#### *2.2.3 Sanaartornermut naatsorsuutit*

*Malittarisassat naapertorlugit sanaartukkat ataasiakkaat naammassineqarneranni sanaartornermi naatsorsuusiortoqartussaavoq.*

*2025-mi sanaartornermut naatsorsuutini tunniussisoqarnikuuvoq, taakkuli naatsorsuutini ikkunneqartunik naapertuutivinnigillat, atortup aqunneqarfiatigut regneark atorlugu tunniussaammata regnearkillu taakku naatsorsuutini ikkunneqartunut nalimmassarneqarneq ajorlutik.*

*2025-imut naatsorsuutit naammassineqarneranni malittarisassat naapertorlugit sanaartornermut naatsorsuutit tamarmik suliarineqarsimanersut suli uppernarsarneqarsinnaasimannigilaq.*

#### Allaffeqarfimmit akissuteqaat

Sanaartornermut suliniutini naammassisanut naatsorsuutini tunniussat tamakkiisuusimannigitsut kukkunersiuiinnermi kingullermi paasineqarpoq. Tamanna qularnaarniarlugu sanaartornermut suliniutit naammassineqarnerisa sanaartornermut naatsorsuutit suliarineqartarnissaat aammalu ukiup naalernerini tamaasa saqqummiunnissaat utaqqinagu Aningaasaqarnermut ataatsimiititaliap kiisalu Kommunalbestyrelsip tullissaanik ataatsimiinnissaanut saqqummiunneqartarnissaat aalajangiunneqarpoq.

2026-mi sanaartornermut suliniutit naammassineqareersut sanaartornermulli naatsorsuutini suli suliaqarfiusimannigitsut misissornissaat allaffeqarfimmit ukkatarineqarpoq, matumani naammassineqarnissaat anguniarneqarluni.

Tamatuma saniatigut 2026-p ingerlanerani sanaartornermut naatsorsuutit kommunip ERP-atigut aammalu Power BI-kkut toqqaannartumik suliarineqarsinnaanissaanut sanaartornermut naatsorsuutit ilusilersorneqarnissaat eqqartorneqassaaq. Systemi nuutsinissamat paasisutissanik attuumassutilinnik aammalu suliniummot paasisutissanik imaqqarmat, taamatut iliornermi suliniutit

naammassinerisa kinguninnguani naatsorsuutit pisariaqartut suliarineqarsinnaanerannik periarfissi-ivoq.

#### Aningaasaqarnikkut allaffissornikkullu kingunerisinnaasai

2025-mut naatsorsuutit 47,2 mio. koruuninik sinneqartoormik takutitsipput. Taamaattorli oqaatigineqassaaq, angusaq una taamaallaat akileraarutitigut isertitat malunnaatilimmik qaffannerisa malitsigisaanik anguneqartoq. Ingerlatsinermi aningaasartuutini ineriartorneq suli qaffakkiartornikuvoq, isertitat qaffakkiartornerinut isertitat taakku malissinnaanissaat naatsorsuutaasinnaangimmat kommunip aningaasaqarneranut unammillernartitsilernikuvoq.

Aningaasartuutit missingersuutaasut iluini ingerlanneqarsinnaaqullugit, ingerlatsivinni tamani aningaasaqarnikkut aqutsineq annertusisamik suli ukkatarissavarput.

2025-p naanerani karsimi uninngasuutit tigorianaat 262,0 mio koruuniupput, 2024-mullu sanilliullugu 26,4 mio. koruuninik qaffariaateqarlutik. Sanilliussinissamut 2020-mi karsimi uninngasuutit 365 mio. koruuniupput. Illuutinik sanaartornermut nutarterinermullu atatillugu 2025-mi innuttaasunut 20,6 mio. koruuninik taarsigassarsisitsisoqarpoq, tamannalu karsimi uninngasuutinut annikinnerusumik sunniuteqarnikuulluni.

Akisussaassuseqartumik aningaasaqarnermut aqutsisoqassasoq aammalu sanaartugassanut aningaasaliissutinik atunngitsuukkanik nuutsisarneq aningaasaqarnikkut imminut illersorsinnaasumik tunngavilimmik ingerlajuassappat kommunip akiliisinnaassusaa suli naammaginartut nalilerneqarpoq. Ilutigitillugu ingerlatsinermit aningaasartuutit aquneqalernissaat pingaaruteqarpoq.

#### Aningaasaqarnermut ataatsimiititaliap suliamik suliarinninnera

Ataatsimiititaliap majip 19-ani 2026 ataatsimiinnermini innersuussut akuersissutigivaa.

#### **Innersuussut**

Aningaasaqarnermut ataatsimiititaliap Kommunalbestyrelsimut innersuussutigaa

- 2025-mut Ukiumut nalunaarusiaq taamak isikkoqartillugu akuersissutigineqassasoq
- kukkunersiuisut nalunaarusiaat nr. 49 aamma 50 akuersissutigineqassasut

#### **Aalajangiineq**

#### **Ilanngussaq**

1. 2025-mut Ukiumut nalunaarusiaq
2. Kukkunersiuisut nalunaarutaat nr. 49 aamma 50
3. 2025-mi isumaginninnikkut utertitanut kukkunersiuisut uppersarlugi atsiornerat
4. Namminersorlutik Oqartussat naatsorsuutaannut kukkunersiuisut uppersarlugi atsiornerat

**Imm 3.2 2027-mut missingersuusiornissamut, ukiunullu 2028-mit 2030 tikillugu missiliuusiornissamut piffissaliussassatut killiliussassatullu siunnersuut**

*Journalnr. 06.01.00*

Tunuliaqutaq

Kalaallit Nunaanni kommunit missingersuusiortarnerat Kommunit Namminersorlutik Oqartussallu missingersuutaat naatsorsuutaallu pillugit Inatsisartut Inatsisaat nr. 26, 28. november 2016-imeersoq naapertorlugu pissaq. Inatsisitigut missingersuusiortarnermi naatsorsuusiortarnermilu najoqqutassanut, piffissaliussanut imarisanullu piumasaqaatit aalajangersarneqarput. Aningaasanik ullutsinnut naleqquttumik atuilluartumillu aqutsinissaq qulakkeerniarlugu, inatsisitigut allannguutit nalunaarutillu aqqutigalugit inatsit ataavartumik iluarsineqarlunilu erseqqissaatigineqartarpoq.

Nutartikkat kingulliit

- Inatsisartut inatsisaat nr. 63, 20. november 2023-meersoq
  - Tunissutininut aningaasaateqarfinnullu aningaasaliisarnernut malittarisassat erseqqissaatigineqarneri.
  - Kommunit ukiumut naatsorsuutaasa akuersissutigineqarnissaannut piffissaliussaqaq septembarip 15-iannut allanngortinneqarpoq.
  - Immikkoortumut pilersaarutit pillugit malittarisassat aalajangersarnissaannut Naalakkersuisunut pisinnaatitsineq.
- Namminersorlutik Oqartussat nalunaarutaat nr. 6, 20. januar 2022-meersoq
  - Naatsorsuusiortarnissamut aningaasatigullu paasissutissanik aqutsinissamut piumasaqaatit.
  - Aningaasatigut malitseqartitsineq missingersuutinillu nakkutigininneq eqqortumik ukkatarinnineq.
- Namminersorlutik Oqartussat nalunaarutaat nr. 37, 7. juli 2023-meersoq
  - Aningaasaqarnermut sulisoqarnermullu atortorissaarutinut pisortani ataatsimoorussamik malittarisassat.
  - Namminersorlutik Oqartussat kommunillu akornanni aningaasartuutit agguataarneqarnissaannik aalajangersaaneq.

Pissutsit atuuttut

2027-mit 2030-mut missingersuusiornermi kommunip nalinginnaasumik piffissaliussaqaartitsinera naapertorlugu suliarineqarpoq pingaarnertut pisut makku tunngavigineqarlutik:

- Missingersuutit pillugit isumasioqatigiinneq: 22.-23. september 2026
- Siullermeerineq: Aningaasaqarnermut ataatsimiititaliaq ulloq 20. oktobari 2026, Kommunalbestyrelsi ulloq 29. oktobari 2026
- Aappasaaneerinnineq: Aningaasaqarnermut ataatsimiititaliaq ulloq 17. novembari 2026, Kommunalbestyrelsi ulloq 26. novembari 2026
- Sanaartugassanut missingersuutit: Atortussat ataatsimiititalianut ulloq 12. juuni 2026-mi nassiussunneqassapput

Maannakkuugallartoq Aningaasaqarnermut Naalakkersuisoqarfimmit akit akissarsiallu allanngoriartorneri pillugit nalunaaruteqartoqanngilaq. Taamaattumik ingerlatsivinnit ataasiakkaanit siunis-sami aningaasartuutit qaffasissusissaattut naatsorsuutaat misissuiffigeqqissaarneri qitiutillugit sulif-fiup iluani suliamik ingerlatsineq aallartinneqarpoq.

Aningaasaqarnikkut allaffissornikkullu kingunerisinnaasai

Allaffeqarfiup aningaasaqarnikkut nalunaarusiaanik aallaavilimmik politikkikkut ataatsimiititaliani kommunalbestyrelsimilu tulleriaarinilimik malitseqartitsinermik tapertaqartoq, aningaasaqarnikkut akisussaassusilimmik sukannersumillu aqutsineq kommunip paariinnassavaa.

- Kissaatit nalinginnaasumik immersuiffiit missingersuusiornerni kingullerni atorneqartut atorlugit nassiunneqassapput.
- Namminersorlutik Oqartussanit aningaasanut inatsisissatut siunnersuut 2026-mi aggustip aallaqqaataanni naatsorsuutigineqarpoq, taannalu sanaartornermut missingersuutit nutarternissaannut pingaarnersiunissamullu tunngaviliissaaq.

#### Allaffeqarfiup naliliinera

Allaffeqarfik naliliivoq, aningaasaqarnikkut allaffissornikkullu kingunerisinnaasaani allaasari-neqartutut kommunip pitsaasumik aningaasaarnerata qulakkeeqarnissaanut sanaartugassatut sulini-utinik kiisalu sukannersumik aningaasaqarnikkut aqutsinermik ersarissumik pingaarnersiunissamut sulii pisariaqartitsisoqartoq.

Taamaattumik Kommunalbestyrelsep ulloq 2026-mi februarip 26-ani ataatsimiinnermini sanaartornermut aningaasaliissutit inoqqortussuseq naapertorlugu agguanneqarnissaannut aalajangiinera il-luatungilerniarlugu, missingersuutissatut kissaatit amerlassusaannut tunngatillugu periutsumik nu-taamik allaffeqarfik siunnersuusiopq.

#### Pisoq – Periuseq A

- Partiit ataasiakkaat missingersuutitut kissaatit tallimat tikillugit nassiussisinnaapput.
- Ataatsimiititaliat nunaqarfinnilu aqutsisut tamarmik immikkut kissaatinik pingasunik nas-siussisinnaapput.

#### Nutaaq – Periuseq B:

- Partiit ataasiakkaat missingersuutitut kissaatit pingasut tikillugit nassiussisinnaapput.
- Ataatsimiititaliat nunaqarfinnilu aqutsisut tamarmik immikkut kissaatinik marlunnik nas-siussisinnaapput.

#### Aningaasaqarnermut ataatsimiititaliap suliamik suliarinninnera

Ataatsimiititaliap majip 19-ani 2026 ataatsimiinnermini Model A akuersissutigivaa.

#### **Innersuussut**

Aningaasaqarnermut ataatsimiititaliap kommunalbestyrelsimut innersuussutigaa

- 2027-mut missingersuutissanut, ukiunullu 2028-mit 2030 tikillugu missiliuuteqarfissat sulia-rineqarnissaannut piffissaliussatut pigineqartoq akuersissutigineqassasoq
- Periuseq A atorneqassasoq

#### **Aalajangiineq**

#### **Ilanngussaq**

1. Missingersuutit pillugit immersuiffissaq
2. Immersuiffiup immersorneqarneranut assersuusuaq

### **Imm. 3.3 Sanaartornermut naatsorsuutit qulit, Sisimiut aamma Maniitsoq, 2015-imiit 19- imut**

*Journalnr. 06.03.03*

#### Tunuliaqutaq

Sisimiuni Maniitsumilu sanaartugassatut suliassani naammassisani tullinnguuttuni sanaartornermut naatsorsuusiortoqarnikuvoq:

- Sisimiuni Akianut ikaartarfimmi pisuinnaat aqqutaat,
- Sisimiuni arsaattarfik ivigaaraasalik,
- Sisimiuni Nalunnguarfiup atuarfianik nutarsaaneq,
- Sarfannguani atuarfimmik nutarsaaneq,
- Akiani iliveqarfik nutaaq, Sisimiut,
- Akiani A22/23 immikkoortoq 3 sanaartorfissagissarneqarnera, Sisimiut,
- Sisimiuni innarluutilinnut inissiat 16-it
- Maniitsumi innarluutilinnut inissiat 16-it,
- Atammimmi meeraateqarfik,
- Maniitsumi arsaattarfik ivigaaraasalik,

#### Maleruagassatigut tunngavigisaq

Sanaartukkanut sanaartornermut naatsorsuusiortoqartartussaavoq. Sanaartornermi naatsorsuutit Teknikkeqarnermut ataatsimiititaliamit, Aningaasaqarnermut ataatsimiititaliamit Kommunalbestyrelsimiillu akuersissutigineqartussaapput, malitsigisaanillu kukkunersiuisunit atsiorneqarlutik.

#### Pissutsit atuuttut

Ataani eqitsimmi aningaasanik sinaakkutitalimmik sanaartornermilu aningaasartuutivinnik allassimasunik sanaartugassatut suliassat tullinnguuttut naammassereerput atorneqalereerlutillu:

**Kommunalbestyrelsip majip 28-iani 2026 ileqquusumik ataatsimiinnera 03**

Atuiffiup taaguutaa	Sanaartornissami aningaasaliissutit, kr.	Sanaartornermut aningaasartuutit, kr.	Nikingassut
Sisimiuni Akianut ikaartarfimmi pi-suinnaat aqquataat	3.929.000 QK	3.908.682,26 QK	+0,5 %
Sisimiuni arsaattarfik ivigaaraasalik	4.864.000 QK	4.570.997,00 QK	+6%
Nalunnguarfiup atuarfianik nutarsaa-neq, Sis	0 QK + 26.000.000 SS	2.463.629,32 Kr. QK + 25.725.379,32 SS	-9%
Sarfanguani atuarfimmik nutarsaa-neq	9.475.000 SS	8.985.669,53 SS	+5 %
Akiani iliveqarfik nutaaq, Sisimiut	4.850.000 QK +	4.850.289,90 QK +	-0,01%
Akiani A22/23 Imm. 3 sanaartorfis-sagissarneqarnera, Sis	9.750.000 QK + 4.900.000 SS	9.753.655,25 QK + 4.900.000 SS	- 0,02 %
Sisimiuni innarluutilinnut inissiat 16-it	21.247.700 QK + 12.817.300 SS	21.214.308,50 QK + 12.817.300,03 SS	+0,1 %
Maniitsumi innarluutilinnut inissiat 16-it	23.630.041 QK + 12.817.300 SS	23.214.179,89 QK + 12.800.000 SS	+1,2 %
Atammimmi meeraateqarfik	2.400.000 QK + 2.400.000 SS	2.333.757,60 QK + 2.391.088,68 SS	+1,6%
Maniitsumi arsaattarfik ivigaaraasalik	19.100.000 QK	19.556.605,09 QK	-2,4%
<b>Katinnera, kommuni, QK:</b>	<b>89.770.741 kr.</b>	<b>91.866.105 kr.</b>	<b>-2.095.364 kr.</b>
Kommunip aningaas.nikingassut katillugit	Tamakkiisumik aningaasaliissutinit %-inngor-lugu QK atuivallaarnera		-2,3 %
<b>Katinnera, Namm.oqartussat, SS:</b>	<b>68.409.600 kr.</b>	<b>67.619.438 kr.</b>	<b>+790.162 kr.</b>
Namm. oqartussat aningaasartuutaasa katinnerani nikingassut	Tamakkiisumik aningaasaliissutinit %-inngor-lugu SS atuinikinneruneq		+1,2 %

Aningaasaliissutit nikingassutaanik naatsorsuineq siulequtaasa isumai atorlugit, - = sippuilluni atuineq, + = atuinikinneq.

Aningaasaliissut: QK = Qeqqata Kommunian, SS = Namminersorlutik Oqartussat imlt. suliffeqarfiit Namminersorlutik Oqartussanit pigineqartut.

Atuilluatuunissakkut kingunerisinnaasai

Sanaartornermut tunngasut naatsorsuisorneqarnissaat kukkunersiuisunit piumasarineqarpoq.

Aningaasaqarnikkut allaffissornikkullu kingunerisinnaasai

Naatsorsuutit naammassineqartut malitsigisaanik kukkunersiuisunit akuerineqartussat. Namminersorlutik Oqartussanik tapiiffigineqartuni sanaartugassatut suliassani, sanaartornermut naatsorsuutit kukkunersiuisut atsiugaannit assilinera Namminersorlutik Oqartussanut nassiunneqassaaq. Sanaartornermi suliassanut sippuilluni atuineq karsimiittuutinit matussuserneqartarpoq, sanaartornermilu suliassanut atuinikinnerunerit karsimiittuutinit utertinneqartarlutik.

Allaffeqarfiup naliliinera

Sanaartornermut naatsorsuutit eqqortumik takutitsisut nalilerneqarpoq, taamaattorli Nalunnguarfiup atuarfianik Atuarfimmik nutarsaanermi illuutininut nutarsaanermut aningaasaliissutini 2018-19-imi atuiffilerneqartussaagaluartuni amerlasuunik kukkusumik atuiffilersuisoqarsimavoq. Kukkulluni

atuffilersuinernik peqquteqartumik ukiuni taakkunani illuutinik nutarsaanermut aningaasaliissutini atuinikinnerunerit sanaartornermut naatsorsuutitut tullernut nuutsinneqanngilaq, kisiani karsimi uninngasuutitut utertinneqarluni.

Taamaattorli oqaatigineqassaaq, Kangerluarsunnguami ikaartarfimmi pisuinnaat aqquaat aamma Maniitsumi arsaattarfik minillugit sulianut tamanut nakkutilliineq sanaartornermilu aqutsineq kommunimit suliarineqarnikummat, tassunga akissarsianut aningaasartuutit sanaartornermi atuiiffimmi allanneqarnikuunngillat.

Sisimiuni Kangerluarsunnguami ikaartarfimmi pisuinnaat aqquataanni 20.317,74 koruuninik atuinikinnerusoqarpoq. Taamaattorli pisuinnaat aqquataanniit aqqusinermit attavinnik asfalterineq allanik asfalterinermit suliaqarnermut atatillugu Kommunip Sannavianit suliarineqarpoq ingerlatsinermit aningaasaliissutit atorlugit, taamaalluni sanaartornermi suliassami matumani akiligassiissutilerneqarani.

Sisimiuni arsaattarfimmi ivigaaraasalimmi 293.003 koruuninik atuinikinnerusoqarpoq. Pisiffik arsaattarfimmut ivigaaraasalimmut 20.000 koruuninik tunissuteqarnikuuvoq, sanaartornermut naatsorsuutini ilanngullugit naatsorsorneqarnikuusunik. Sanaartornermi suliassami, siunissami arsaattarfimmik ivigaaraasalimmik aserfallatsaaliisarnissamut ingerlatsinermi suliassatut 568.000 koruuninut sanaartornermit suliassamiit ivigaaraasaaqqat sinnikuunit, nipinneqqummik, granulatsinik, sioqqanik immiissutissanik sanigummillu pisisoqarnikuuvoq.

Nalunnguarfiup Atuarfianik (Skole 2) atuarfimmik nutarsaanermi 2.738.250 koruuninik atuiavallaartoqarpoq, taanna perusuersartarfinnik igalaanillu taarsiilluni atuarfimmik nutarsaalluni suliaqartoqarneranik patsiseqarpoq, ukiumi 2018/19-imi kukkusooqarneratigut 75-40-13 atuiiffilerneqartumik ERP-mi suliniut 500001 (kt. 70-02-00) illuutinik nutarsaanermut aningaasaliissutit atorlugit akilerneqartusaagaluartoq, piffissami tassani ERP-mi systemimi atuiiffilersuinerit suli iluatsivissimannnginnamik. Namminersorlutik Oqartussat akuersissutaanniit 26 mio. koruuniusuniit utertitat 25.725.379 kouruunit tiguneqarnikuupput. Ingeniørimit (Ilinniartitaanermut immikkoortumi sanaartortitsisumut siunnersorti) akissarsianut kommunip aningaasartuutai Namminersorlutik Oqartussat utertikkumangilaat, utertinneqarunik siunnersortinnermut akissarsiaasussaagaluit.

Sarfanguani atuarfimmik nutarsaanermi Namminersorlutik Oqartussat aningaasaliissutissatut neriorsuutaannut sanilliullugu 489.330,47 koruuninik atuinikinnerusoqarpoq. Atuinikinneruneq ilaatigut kommunip Teknikkikkut ingerlatsiviani sulisunit nakkutilliinermik suliassartaa suliarineqarneranik peqquteqarpoq, tassani akissarsianut aningaasartuutit Namminersorlutik Oqartussani utertitassaanatik, ilaatigullu nunaqarfimmi suliassami tassani entreprenørp neqeorutaatata akikissimaneranik peqquteqarpoq. Entreprenørimit aningaasartuutit tamarmik Namminersorlutik Oqartussanit utertinneqarnikuupput.

Sisimiuni Akiani iliveqarfimmut nutaamut 289,90 koruuninik procentinngorlugu 0,01 procentinik atuiavallaartoqarpoq. Iliveqarfik naammassineqareerpoq aammalu ilisinernut atugassanngorlugu Ilagiit sinniisaannut tunniunneqareerluni.

Akiani imm. 3 A2/23+27 sanaartorfissagissarneqarneranut 3.655,25 koruuninik procentinngorlugu 0,02 procentinik atuinikinnerusoqarpoq. Immikkoortumi piginneqatigiillu illuutileqatigiit sanaartorfiat imaarneqarnissaanut sanaartorfissaq aatsaat ukiumi 2022-mi asfalterneqarsinnaasimavoq. Nukissiorfinnik suleqatigiinnissamut isumaqatigiisummi aningaasartaasumiit 100 procentit annertussusilimmut pingaarnertut pilersuinermit aqqutitut pilersitsinermit aningaasartuutaasunit Nukissiorfiit akileeqaataassutissannik 4,9 mio. koruuninik akiliisitsisoqarnikuuvoq. Pingaarnertut pilersuinermit aqqutit, imertartarfiit kabiliisiviillu

ingerlanneqarnissaannut Nukissiorfinnut tunniunneqarnikuupput. Aqquserngit kuuffissuillu kommunip ingerlatsinermut immikkoortortaanut tunniunneqarnikuupput atorneqalereerlutillu.

Sisimiuni innarluutilinnut inissianut 16-inut 33.391 koruuninik aningaasaliissutaasuniit procentinngorlugu 0,1 procentimik atuinikinnerusoqarpoq. Neriorsuilluni aningaasanit 100 procentimut naammattunik Namminersorlutik Oqartussat 12.817.300 koruuninik utertitsinissaat qinnutigineqarnikuuvoq. Inissiat iserterfigineqareerput aammalu attartortitsineq Ini-mit ingerlanneqarpoq.

Maniitsumi innarluutilinnut inissianut 16-inut 433.16,11 koruuninik procentinngorlugu 1,2 procentimik atuinikinnerusoqarpoq. Neriorsuilluni aningaasanit 12.817.300 koruuniusuni Namminersorlutik Oqartussat 12.800.000 koruuninik utertitsinissaat qinnutigineqarnikuuvoq. Kommuni aningaasaleeqataassutaaniit 23.630.041 koruuniusunit 23.214.179,89 koruunit atorneqarnikuupput. Inissiat iserterfigineqareerput aammalu attartortitsineq Ini-mit ingerlanneqarpoq.

Atammimmi meeraateqarfimmut 75.153,72 koruuninik procentinngorlugu 1,6 procentimik atuinikinnerusoqarpoq. Neriorsuilluni aningaasanit 2.400.000 koruuniusuni Namminersorlutik Oqartussat 2.391.089 koruuninik utertitsinissaat qinnutigineqarnikuuvoq. Illu atorneqalereerpoq Ilinniartitaanermullu immikkoortortamit ingerlanneqarluni.

Maniitsumi arsaattarfimmut ivigaaraasalimmut aningaasaliissutaasunit 456.605,09 koruuninik procentinngorlugu 2,4 procentimik atuivallaartoqarpoq, qaartiterilluni suliasartaanut pisariaqartitsineq pissutaalluni.

Sanaartugassatut suliasanut quliusunut kommunip tamakkiisumik aningaasaliissutaanit 2.095.364 koruuninik procentinngorlugu 2,3 procentinik kommunimut atuivallaarfiuvoq, taakkunanngalu Nalunnguarfiup atuarfianut nutarsaanerinnarmut atuivallaarneq 2.463.629 koruuniuvoq, ERP-mi suliniummi 500001 (atuiffik 70-02-00) illuutinik nutarsaanermit aningaasartuutinik kukkusumik atuiffilersuineramik patsiseqartumik.

Sanaartugassatut suliasanut namminersorlutik oqartussanik tapiiffigineqartussamik aningaasanik neriorsuutaasunit tamakkiisunit 68.409.600 koruuniusuniit 67.619.438 koruunit procentinngorlugu 98,8 procentit utertinneqarnikuupput, utertitassanut allanut qinnuteqarnissamut aningaasartuutinut ilanngussassanik allanik peqarnikuunnginnera pissutigalugu.

#### Innersuussut

Teknikkeqarnermut ataatsimiititaliamut, Aningaasaqarnermut ataatsimiititaliamut Kommunalbestyrelsimullu innersuussutigineqarpoq:

- qulaani taaneqartunut quliusunut sanaartornermut naatsorsuutit akuersissutigineqassasut

#### Teknikkimut ataatsimiititaliap suliamik suliarinninnera

Ataatsimiititaliap 16. april 2026 ataatsimiinnerani innersuussutigineqartut akuersissutigineqarput.

#### Aningaasaqarnermut ataatsimiititaliap suliamik suliarinninnera

Ataatsimiititaliap majip 19-ani 2026 ataatsimiinnermini innersuussut akuersissutigivaa.

#### **Innersuussut**

Aningaasaqarnermut ataatsimiititaliap Kommunalbestyrelsimut innersuussutigivaa,

- qulaani taaneqartunut quliusunut sanaartornermut naatsorsuutit akuersissutigineqassasut

## **Aalajangiineq**

### **Ilanngussaq**

Ilanngussaq 1, Kangerluarsunnguami ikaartarfimmi pisuinnaat aqqaat, kt 72-19-10 + 72-01-12

Ilanngussaq 2, Sisimiuni arsaattarfik ivigaaraasalik, kt 75-07-1

Ilanngussaq 3, Sisimiuni Nalunnguarfiup atuarfianik atuarfimmik nutarsaaneq, kt 75-40-13

Ilanngussaq 4, Sarfanguani atuarfimmik nutarsaaneq, kt 75-40-40

Ilanngussaq 5, Sisimiuni Akiani iliveqarfik nutaaq, kt 72-69-10

Ilanngussaq 6, Akiani najugaqarfissiamik A22/A23 imm. 3-mik sanaartorfissagissaaneq, kt 77-16-10

Ilanngussaq 7, Sisimiuni innarluutilinnut inissiat 16-it, ERP proj 500075

Ilanngussaq 8, Maniitsumi innarluutilinnut inissiat 16-it, ERP proj 500076

Ilanngussaq 9, Atammimmi meeraateqarfik, ERP projekt 500088

Ilanngussaq 10, Maniitsumi arsaattarfik ivigaaraasalik, ERP projekt 500113

### **Imm. 3.4 Kommunip containerinik inissiisarfianik attartornermut akigititat**

*Journal nr. 16.04*

#### Tunuliaqutaq

Kommunip containerinik inissiisarfianik attartornermut akigititanik siusinnerusukkut allannguinnermi ingerlateqqinneqarsimaneranik aammalu atorunnaarneranik ingerlatsivik paasinnissimavoq. Tamanna siunertaasimangilaq.

Oqaluuserisassanngortitsinikkut Teknikkikkut Ingerlatsineq Pilersuinnermullu akigititanut kommunip containerinik inissiisarfianik attartornermut akigititat allassimaqqilernissaanik innersuussutigineqarpoq, taamaalilluni eqqortumik akiliisitsisarnissamut tunngavissaqaleqqissalluni.

#### Maleruagassatigut tunngavigisat

Missingersuutinik akuersineq ilutigalugu akigititat akuersissutigineqartussaapput, ukiumilu missingersuusiorfiusumi atuutissallutik.

#### Pissutsit atuuttut

2026-mut Teknikkikkut Ingerlatsineq Pilersuinnermullu akigititassat Kommunalbestyrelsip ulloq 30.10.25-mi ataatsimiinnermi akuersissutigai.

Allamut atatillugu kommunip containerinik inissiisarfianik attartortitsinermut akigititat ingerlateqqinneqarsimannginneri, taamaalillutillu akigititani 0 koruunimik allassimanera ingerlatsivimmit paasineqarpoq.

Ilanngussaq 1-imi 2026-mut akigititanut akuersissutigineqarnikuusunut takuneqarsinnaasutut, kommunip containerinik inissiisarfianik attartornermut aki ilannguteqqinneqarnikuuvoq aammalu aappaluttumik allassimalluni. 2025-mitut ukiumut 1.300 koruunimik akigititap allanngortinneqannginnissaa siunnersuutigineqarpoq.

Akigititap kommunimit inatsisitigut unioqqutitsinngitsumik akiligassanngortinneqarsinnaassappat akigititanut allattorsimaffimmi imaluunniit akitsuutininut ileqqoreqqusani allassimassaaq.

#### Atuilluartuunissakkut kingunerisinnaasat

Containerinik piginnittunut kommunip containerinik inissiisarfiutaanik attartorsinnaanissamut periarfissaq aaqqiissutaavoq ingerlalluartoq.

#### Aningaasaqarnikkut allaffissornikkullu kingunerisinnaasai

Kommunip containerinut inissiisarfianut atatillugu ingerlatsinermut aningaasartuutitaqarpoq, taamaattumik attartornermut akiligassiisarnissaq pisariaqarluni.

#### Allaffeqarfiup naliliinera

Aaqqiissut ingerlalluartuuvoq, eqqortumillu akiligassiisoqartarnissaanut attartornermut akigititap akigititani allassimassaaq. 2025-mit akigititamik allannguisoqarnissaa siunertaanngilaq.

**Innersuussut**

Teknikkeqarnermut Avatangiisinullu ataatsimiititaliamut, Aningaasaqarnermut ataatsimiititaliamut aamma Kommunalbestyrelsimut innersuussutigineqarpoq.

- Kommunip containerinut inissiisarfinnik attartornermut akigititassatut siunnersuut akuersissutigineqassasoq

**Teknikkeqarnermut ataatsimiititaliap suliamik suliarinninnera**

Ataatsimiititaliap 13. maj 2026 ataatsimiinnerani innersuussutigineqartoq akuersissutigineqarpoq.

**Aningaasaqarnermut ataatsimiititaliap suliamik suliarinninnera**

Ataatsimiititaliap majip 19-ani 2026 ataatsimiinnermini innersuussut akuersissutigivaa.

**Innersuussut**

Aningaasaqarnermut ataatsimiititaliap Kommunalbestyrelsimut innersuussutigivaa,

- Kommunip containerinut inissiisarfinnik attartornermut akigititassatut siunnersuut akuersissutigineqassasoq

**Aalajangiineq**

**Ilanngussaq**

1. 2026-mut Teknikkeqarnermut Avatangiisinullu akigititat

**Imm. 3.5 Makkorsip aqq. B-904-ip aningaasatigut misissuiffigineqarnera**

Journalnr. 44.09.00

Tunuliaqutaq

Makkorsip aqq. B-904-imi illu iluarsartuunneqarluni allilerneqaleruttorpoq, siunertaraalugu meeqqat inuusuttullu 12-it illoqarfinni allanit ulloq unnuarlu angerlarsimaffinni inissinneqarsimasut angerlartinneqarsinnaalerniassammata.

Suliap ingerlanerani apeqquteqartoqarpoq illu taanna innuttaasunik innarluutilinnik Pisoq-imi najuqaqartunik 12-inik inissiiffittut atorneqaannarsinnaanersoq. Tamanna tunngavigalugu aqutsisoqarfik piunaffigineqarpoq aningaasatigut misissuiffigineqarluni nalunaarusiornissamik, kommunimut aningaasatigut aqutsinerlu eqqarsaatigalugu sorleq iluaquteqarnerunersoq ersersinniarlugu.

Saqqummiussa qaalajangiinissamut tunngavissiissaaq uku akornanni toqqaanissamut:

1. PISOQ-IMIT innarluutilinnik 12-inik Makkorsip aqq. B-904-imut nuussineq, imaluunniit
2. Illoqarfinniik allanit ulloq unnuarlu angerlarsimaffinni inissinneqarsimasut meeqqat inuusuttullu Sisimiuneersut 12-it angerlartinneqarnissaat Makkorsip aqq. B-904-imut.

Maleruagassatigut tunngavissat

- Meeqqanut inuusuttunullu tapersiisarneq pillugu Inatsisartut inatsisaat
- Innarluutilinnut tapersiisarneq pillugu Inatsisartut inatsisaat

Pissutsit atuuttut

Meeqqat Sisimiuneersut ulloq unnuarlu angerlarsimaffinniittut:

Makkorsip aqq. B-904-imi kommunip ulloq unnuarlu angerlarsimaffissaa inissamik 12-inik periarfissaqarpoq. Iluarsartuussineq allilerinerlu ingerlavoq, siunertaralugu illoqarfinnut allanut inissinneqarsimasut Sisimiuneersut meeqqat inuusuttullu 12-it angerlartinneqarnissaat.

2025-mi aningaasartuutit meeqqat Sisimiuneersut ulloq unnuarlu angerlarsimaffinni inissitanut.	kr. 45.880.532
Meeqqat Sisimiuneersut inissitat amerlassusaat	32
Agguaqatigiisillugu meeqqamut ataatsimut akeq	kr. 1.433.767
Meeqqanut 12-inut tikeraarnermut angalanerit ukiumut	kr. 394.923
Meeqqanut 12-nut aningaasartuutit ukiumut katillugit	kr. 17.600.123
Døgnstakst Kom.Kujalleq for 12 børn	- kr. 10.950.000
<b>Sipaarutit katillugit</b>	<b>kr. 6.650.123</b>

2025-mi naatsorsuinermi kisitsisit naapertorlugit Sisimiuneersut meeqqat 32-t illoqarfinnut allanut ulloq unnuarlu angerlarsimaffinnut inissinneqarsimapput, ukiumut aningaasartuutigalugit **45.880.532 kr.**, tassa agguaqatigiisillugu ukiumut **1.433.767 kr. meeqqamut ataatsimut. Uanili aamma maluginiarneqassaaq meeraq ataaseq 3,285 mio. koruuneqarsimammat ukiumut.** Imaappoq meeqaat 12-it agguaqatigiisillugu ukiumut 17.205.204 kr., tikeraarnerit ilanngullugit **17.600.123 kr.** atornerqarput.

Kommune Kujalleq ulloq unnuarlu angerlarsimaffinnut meeqqamut ataatsimut døgnimut **2.500 kr.**-inik akeqartoq tunngavigalugu meeqqat 12-it ukiumut **10.950.000 kr.**-inik akeqassapput. Tamatum kingunerisaanik **ukiumut 6.650.123 kr.-inik sipaarutaasinnaavoq.**

Najugaqarfik - Pisoq

Ullumi Pisoq najugaqarfiini Sisimiuni **32-it psykiskimik innarluutillit najugaqarput**, 8-ut najugaqarfinni marlunnillu najugaqatigiinnut agguataarsimasut. Sulisoqarnermut 60-nik normeringeqarpoq. Pisoq-mi najugallit innarluutaat assigiinngitsuupput — **psykiskimik annikitsumik innarluutillit** aammalu **psykiskimik sakkortuumik innarluutillit**. Sulisut amerlassusaat najugaqarfinni assigiinngiiaarput: vagtlagimi ataasiinnarmik sulisoqarsinnaasarpoq, imaluunniit **multihandicap-peqartuni** vagtlagimi pingasunik **sulisoqarsinnaallutik**.

**D8**-mi najugaqartunit nuuttoqarsinnaangilaq, taamaattumik D8 naatsorsuineri ilanngunneqanngilaq. Taamaasilluni naatsorsuineri ilanngunneqarput **najugaqarfiit 9-it** aammalu **sulisut 47-it**.

Naliliineri Pisoq-mi najugaqartunit 12-it **B904**-mut nuunneqassappata scenarier marluk naatsorsorneqarput. Sulisut ilinniarneqanngittut kisitsineri naatsorsugaapput. Vagtlag: ullaakkoortut, unukkoortut unnuarsiortullu. Inigisamut massakut Pisoq-mi najugaqartut agguaqatigiisillugu akiliutaasartoq Utoqqaat illuanut aningaasartuutit pingajorartiutaa minus-erlugit naatsorsugaaviq:

Scenarie 1

**Sulisut amerlassusaat:** vagtlagimi ataatsimi sulisut marluk (ataaseq qulaani, ataaseq ataani)

Sipaarutigineqartussatut naatsersugaq marlukkaartumik sulisoqarnikkut (qulaani ataaseq, ataanilu ataaseq)	Atorfiit 6,7
Atorfiit 6,7 aningaasatigut nalingi	1.667.824,30 kr.
Ukiumut inimut akiliutinut sipaarut	23.298 kr.
<b>Sipaarutit katillugit</b>	<b>1.691.122 kr.</b>

Scenarie 2

**Sulisut amerlassusaat:** vagtlagimi ataatsimi sulisut sisamat (marluk qulaanii, marlullu ataani)

Sipaarutigineqartussatut naatsersugaq sisamanik sulisoqarnikkut (qulaani marluk , ataanilu marluk)	Atorfiit 3,7
Atorfiit 3,7 aningaasatigut nalingi	921.037,30 kr.
Ukiumut inimut akiliutinut sipaarut	23.298 kr.
<b>Sipaarutit katillugit</b>	<b>944.335 kr.</b>

Scenarieni pineqartuni marlunni naatsorsuutigineqarpoq sipaarutaasinnaasut tassaassasut **sulisut ilinniagaqarsimannigisut**. Naatsorsuineri ilanngunneqanngillat aqutsisut, allaffimmiutut sulisut aammalu servicemi sulisut, tassami suli aalajangerneqarsimannigimmat qanoq aaqqissuussisoqassanersoq — soorlu nuussisoqassanersoq imaluunniit atorfinitsitsisoqassanersoq.

Angerlartitsineri Pisoq-mulluunniit atulernerani aallartinneri aningaasartuutit aamma naatsorsuutigineqassapput:

- **Meeqqanut illoqarfinni allani inissitaniittut angalanermut aningaasartuutit**
- **Pisoq-mi najugaqartunut nuunneqarnermut aningaasartuutit**
- **Pisattanik atortunillu Makkorsip aqq. B904-mut aningaasartuutit**

Atuilluuntuunissakkut kingunerisinnaasai

Meeqqanik inuusuttunillu angerlartitsineq inooqatigiinnermut inuttullu iluaqutaalluarsinnaavoq, ilaqquttanut, qanigisanut kulturiullu ataaniittumut qaninnerusumik inissinneqarsinnaammata. Tamanna toqqissisimanermut, ineriartornermut siunissamilu periarfissanut iluaqutaasinnaavoq.

Innarluutilinnik PISOQ-imit nuussineq inissianik atuilluarnermik periarfissiisinnaavoq, kisianni kommunip aningaasatigut ataatsimut isigalugit allannguuteqarujussuassangatinngilaq.

Aningaasaqarnikkut allaffissornikkullu kingunerisinnaasai

Aningaasatigut misissueqqissaarnerup uku akissutissarsiniarpai:

1. PISOQ-imit najugaqartunik 12-inik nuussisoqarpat sulisut qassit sipaarutigineqarsinnaanersut:

**Naatsorsuutigineqarpoq vagtlagimi ataatsimi marlunnik sulisoqartarnikkut, sulisunik 6,7-nik sipaarutarsinnaanissaa. Vagtlagimi ataatsimi sisamanik sulisoqartarnikkut 3,7-nik sulisunik sipaaruteqarnissaq naatsorsuutigineqarpoq.**

2. Sulisut sipaarutaasut aningaasatigut qassinik naleqarnerisut:

**Marlukkaartumik sulisoqarnikkut naatsorsuutigineqarpoq 1.667.824,30 kr. Ukiumut sipaarutigineqarsinnaasoq. Sulisut sisamakkaarneranni naatsorsuutigineqarpoq ukiumut 921.037,30 kr. Sipaarutigineqarsinnaasoq.**

3. Inissiat marluk pingasulluunniit atorunnaarsinneqarpata ineqarnermut, kiassarnermut innaallagissamut aningaasartuutit qanoq annertutigisumik sipaarutaasinnaanersut, kommunip døgninginstitutioniata ingerlatsineranut naleqqiullugu sipaarutaasussaq PISOQ-mi najugaqartut 12-it nuunneqarnerini agguaqatigiissillugu (Utoqqaat Illuat Qupanuk assersuutiginerani):

**Ukiumut 23.298 kr.**

4. Nunaqarfinit allanit døgninginstitutioninut inissinneqarsimasut 12-it angerlartinneqassappata sipaarutaasinnaasut qanoq annertutigisut:

**6.650.123 kr. Ukiumut sipaarutaasussaasoq naatsorsorneqarpoq.**

Allaffeqarfiup naliliinera

Aqutsisoqarfiup naliliinera naapertorlugu Makkorsip aqq. B-904 aningaasatigut iluaquteqarnerpaasaaq illoqarfinit allanit ulloq unnuarlu angerlarsimaffinni inissinneqarsimasut meeqqat inuusuttullu 12-it angerlartinneqarpata. Tamatuma kingunerisaanik ingerlatsineranut aningaasartuutit sivisuumik annikillisinneqarsinnaapput. Aningaasat sipaarutissat saniatigut aamma allanik pingaarutilinnik iluanaarutissartaqarpoq, tassalu ilaqquttat allallu qanigisat najoqqilernissaat, avatangiiserlu ilisimariigaq najoqqilernissaa.

Illu innarluutilinnut PISOQ-imit nuuttussanut atorneqassappat ilaatigut inissianik atuilluarnermik aaqqiissutissat isigineqarsinnaavoq, kisianni aningaasatigut iluaqutaangaassanngittoq. Aamma Makkorsip aqq. B-904-mi ineeqqat meeqqanut inuusuttunullu utaqqiisaasumik najugaqarfissatut naatsorsuussaapput, inersimasunut innarluutilinnut tulluaratik.

Innersuussut

Atugarissaarnermut Immikkoortortap Aningaasaqarnermut ataatsimiititaliamut innersuussutigaa aalajangiisoqassasoq Makkorsip aqq. B-904 sorlermut atorneqassanersoq:

- 1) Illoqarfinni allanit ulloq unnuarlu inissinneqarsimasut meeqqat inuusuttullu 12-it angerlartinneqarnissaat, imaluunniit
- 2) Pisoq-imit najugalinnik innarluutilinnik 12-inik nuussineq.

Atugarissarnermut ataatsimiititaliap suliamik suliarinninnera

Ataatsimiititaliap 12. maj 2016 ataatsimiinnerani ataatsimiititaliaq tamakkiisoq innersuussut 1. Illoqarfinni allanit ulloq unnuarlu inissinneqarsimasut meeqqat inuusuttullu 12-it angerlartinneqarnissaat, toqqarpaat.

Aningaasaqarnermut ataatsimiititaliap suliamik suliarinninnera

Ataatsimiititaliap majip 19-ani 2026 ataatsimiinnermini siunnersuut 1 akuersissutigivaa.

**Innersuussut**

Aningaasaqarnermut ataatsimiititaliap Kommunalbestyrelsimut innersuussutigivaa akuereqqullugu,

- Innersuussut 1. illoqarfinni allanit ulloq unnuarlu inissinneqarsimasut meeqqat inuusuttullu 12-it angerlartinneqarnissaat.

**Aalajangiineq**

**Ilanngussat**

1. Makkorsip aqq. B-904-ip aningaasatigut misissuiffigineqarnera
2. Makkorsip aqq. B-904-ip aningaasatigut misissuiffigineqarneranut allakkat
3. 2025 Naatsorsuutit

#### **Imm. 4.1 BDO-p allangortiternera**

*Journalnr. 06.00*

##### Tunuliaqutaq

BDO Statsautoriseret revisionsaktieselskab-imiit Statsautoriseret Revisionspartnerselskab-inngorluni piginneqatigiiffiup ilusilersorneranik allangortitsivoq.

Kukkunersuiinikkut isumaqatigiissut massakkut atuuttoq siornatigut piginneqatigiiffiusimasoq peqatigalugu isumaqatigiissutaavoq. Ingerlatseqatigiiffinnik aamma kukkunersuiinermi ingerlatsinermi maleruagassat atuuttut naapertorlugit kukkunersuiuisimasoq piumasarineqartut malillugit tunuassaaq, taassuma kingorna piginneqatigiiffik nutaaq kukkunersuiisutut atorfnitseqqinneqassalluni.

##### Maleruagassatigut tunngavigisat

Kommunit aqunneqarnerat pillugu inatsimmi § 42 naapertorlugu kommunalbestyrelsi kommunip kukkunersuiisuanik toqqaallunilu allanguinissamut aalajangiisussaavoq. Taamaattumik piginneqatigiiffiup allangortinneqarnerata malitsigisaanik suliaq politikikkut akuerisassanngortinneqassaaq.

##### Pissutsit atuuttut

Suliamut suinertaavoq piginneqatigiiffiup ilusaanut nutaamut kukkunersuiinermi tunngaviup eqqortup atuuttullu atorneqarnissaata, taavalu inatsit atuuttoq kukkunersuiinermilu ileqqut pitsaasut naapertorlugit suliffeqarfiup naatsorsuutininik saqqummiisarnerata ingerlatiinnarnissaa qulakkeerneqarnissaa.

##### Aningaasaqarnikkut allaffissornikkullu kingunerisinnaasai

Kukkunersuiinermi pissutsit nalunaarsornerannut nutarternerannullu atatillugu nalinginnaasumik allaffissornikkut aningaasartuutit sinnerlugit suliap aningaasaqarnikkut annertuumik kinguneqarnissaa naatsorsuutigineqanngilaq.

##### Allaffeqarfiup naliliinera.

Piginneqatigiiffiup allangortinneqarnerata malitsigisaanik iluarsaassineq teknikkikkullu allanguineq kisimik pineqartut allaffeqarfiup nalilerpaa. Kukkunersuiinermi suliffeqarfik imaluunniit suleqatigiissutissatut toqqarneqarsimasut allangortinneqassanngillat.

Taamattumik innersuussutigineqarpoq massakkut kukkunersuiisoq: piginneqatigiiffiup allangortinneqarnerata kingorna piginneqatigiiffiup siuliani kukkunersuiisoq tunuassasoq, piginneqatigiiffimmullu nutaamut kukkunersuiisutut atorfnitseqqinneqassasoq.

1. Siusinnerusuklut ingerlatseqatigiiffiusimasutut kukkuneriusuiisoq pisortatigoortumik tunuassasoq, aamma
2. Ingerlatseqatigiiffimmut ilasaanik allangortitsinerup kingorna ingerlatseqatigiiffimmut nutaamut kukkunersuiisoq atorfnitseqqinneqassasoq

##### Aningaasaqarnermut ataatsimiititaliap suliamik suliarinninnera

Ataatsimiititaliap majip 19-ani 2026 ataatsimiinnermini innersuussut akuersissutigivaa.

##### **Innersuussut**

Aningaasaqarnermut ataatsimiititaliap kommunalbestyrelsimut akuereqqullugu innersuussutigivaa,

1. Massakut kukkuniuisup pisortatigoortumik tunuarnera tusaatissatut tiguneqassasoq
2. Qeqqata Kommunianut Statsautoriseret Revisionspartnerselskab-itut BDO kukkuniuisutut atorfinitseqqinneqarnissaa akuerineqassasoq

**Aalajangiineq**

**Ilanngussat**  
Soqanngilaq

**Imm. 4.2 Oqaluuserisassatut siunnersuut - Tasersiamik suliniut pillugu Qeqqata Kommunianik akuutitsinerunissaq pillugu Namminersorlutik Oqartussanut piumasaqaat**

*Journalnr. 74.30.20*

Tunuliaqutaq

Kommunalbestyrelsemi ilaasortaq Gideon Lyberth 2026-mi maajip sisamaanni mailikkut oqaluuserisassanngortitsivoq:

*Tasersiaq eqqarsaatigalugu Namminersorlutik Oqartussat annertoourujussuarmik pilersaaruteqarput naluneqanngitsutullu Tasersiami innaallagissiuussuarmik pilersitsisussat suunersut ukiuni tulliuuttuni Namminersorlutik oqartussaniit toqqarneqartussaapput. Tamanna assut nuannerpoq iluatinnarlunilu.*

*Ajoraluartumilli suliarujussuaq taanna Qeqqata Kommuunia qulaatiinnavillugu aammalu suleqatiginaguluunniit ingerlanneqarpoq. Uanga isumaga malillugu taamaattussaannngivippoq. Tasersiaq atorneqalissappat aammalu atorneqalerpat aavartarfiit, umimmanniartarfiit, eqalunniartarfiit aallarsimaartarfiillu annertoourujussuarmik sunnerneqartussaapput, siornatigummi alcoa pilersaarutai malissagaanni Tasersiaq 20 meter tikillugu tasertaa qaffanneqartussaammat, taamaalilluni nunarujussuarmik immaqalu aamma silaannarmim innarliinermik kingunegarsinnaalluni. Taamaattumik pissusissamisuussaaq Qeqqata Kommuunia suliarujussuarmut tassunga ilaatinneqalerpat.*

*Taassuma saniatigut suliffeqarfik suussanersoq Namminersorlutik Oqartussat toqqartussaavaat. Taannalu toqqaanissaq qeqqata kommuunianut annertoourujussuarmik aamma kingunegartussaavoq, Allaat Qeqqata Kommuuniata aningaasarsiorneranik allannguerujussuarsinnaalluni. Assersuutigalugu alominiliorfik toqqarneqassappat ataavartumik ingerlalernerani sulisut 800 miss. Eqqarsaatigineqarsinnaapput, biilinilli bateeriliorneq toqqarneqassappat sulisut 100 miss. eqqaesaatigineqarlutik. Taamaattumik pissusissamisuussaaq Qeqqata Kommuunia suliarujussuarmut tassunga ilaatinneqalerpat.*

*Pingajuattut: Qeqqata Kommuuniata annerusumik suliarujussuaq tasersiamut tunngasoq iluaqutigissappagu, aammalu Qeqqata Kommuuniani suliffeqarfiit tassunga suliarujussuarmut ilaatinneqassappata suliffeqarfiit annertoourujussuarmik piareersartariaqassapput aammalu annertoourujussuarmik ikioqatigiittariaqassallutik suliassanik annertuumik pilersitsinermi aammalu ataavartumik ingerlanerani peqataatinneqassappata. Taamaattumik pissusissamisoorpoq maannangaaq Qeqqata Kommuunia piareersassasoq aammalu Qeqqata Kommuuniani suliffeqarfiit suleqatigilluarllugit ACB GE-lu suleqatigalugit siunissamut piareersarnissat.*

*Qulaani allatakka eqqarsaatigalugit qeqqata Kommuunianiit Namminersorlutik oqartussanut piumasaqartariaqarpugut suliarujussuaq Tasersiamut tunngatillugu annerusjussuarmik Qeqqata Kommuunia suleqatigineqalissasoq allaat Taseriap sumut atorneqarnissaanik toqqaanermi Qeqqata Kommuunia peqataatinneqassasoq.*

*Aammattaaq qulaani oqaluuserisassatut siunnersuut akuerineqassappat piumasarivara Borgmester aammalu ViceBorgmester Aatitassanullu ataatsimiititaliap siulittaasua ( Pilersinneqarnera Akuerineqassappat) kiisali atorfilittat piaarnepaamik Namminersorlutik oqartussanut ataatsimiigiassasut qeqqata Kommuuniata suliarujussuaq tassunga tunngasumut peqataatinneqalernissaa anguniarlugu.*

Maleruagassatigut tunngavigisat

Erngup nukingata innaallagissiornermut atorneqartarnera pillugu Inatsisartut inatsisaat 27. november 2018-imeersoq.

Erngup nukinga innaallagissiornermut atorneqartarnera pillugu Inatsisartut inatsisaanni § 2 innaallgissamik tunisassiornissamut erngup nukinganik misissueqqaarnissamut atuinissamullu Namminersorlutik Oqartussat kisermaassinissaannut tunivai aammalu § 3 erngup nukinganik misissueqqaarnissamut atuinissamullu qinnuteqartunik akuersissuteqarnissamut Naalackersuisut periarfissippai.

Erngup nukingata innaallagissiornermut atorneqartarnera pilugu Inatsisartut inatsisaat 27. november 2018-imeersoq 2018 sioqqullugu arlaleriarluni allangortinneqarnikuuvoq aammalu 2026-mi juunip 12-iani akissuteqarnissamut piffissalimmik Avatangiisinut, Pinngortitamut, Nukissiuutitut Ilisimatusarnermullu Naalackersuisoqarfik allanguutissamut nutaamut tamanut tusarniaanermik 15.maj nassiussaqarpoq. Allanguutissatut siunnersuut 2026-mi maajip 28-anni kommunalbestyrelsip ataatsimiinnginnerani suliarineqarsinnaanissaa ataatsimiititaliamilu suliarineqarsinnaanissaa angumerineqarsinnaanngilaq.

Qeqqata Kommuniani kommunip susassaqaarfiinik aqutsinermit ileqqoreqqusami §9 imm. 4 allassimavoq, inuussutissarsiornermik, takornariaqarnermik allaffissornermullu tunngasunik ingerlatsinermit Aningaasaqarnermut ataatsimiititaliaq isumaginnittuusooq.

Pissutsit atuuttut

Tasersiaq Qeqqata Kommuniani Kangaamiut sermiata kangiata tungaani inissisimavoq Kalaallit Nunaannilu erngup nukissiorfiliornissamut piukkunnaateqarnerpaasuulluni. Tamatumunnga 60 km.-inik takissuseqarnera, 690 meter-inik portutigisumi inissisimanera minnerunngitsumillu Sermersuarmit annertooujussuarmik annertusiartortumillu iminngortumik kuuttoqarnera patsisaavoq. Ukiut 15-20 sionatigut alumiiniumik suliniummut erngup nukissiorfiliornissamut Tasersiaq pingaaruteqarsimavoq, maannakkullu Kangerlussuup aammalu Nuup kangerluata qinnguata akornanni immikkoortumi Naamminersorlutik Oqartussat takorluugaanut pingaaruteqaqqilerluni.

Alcoa misissueqqaarnernik amerlasuunik ingerlatsereernerup kingorna suliniut taamaatiinnarpaa. Malitsigisaanik Alcoa ksimiilluni atuisinnaatitaanera unitsinneqarnikuuvoq aammalu Alcoa misissueqqaarneri Namminersorlutik Oqartussanut tunniunneqarput. Atortut taakku tunuliaqutaralugit Kalaallit Nunaata sineriaata qeqqani ingammillu Tasersiami erngup nukinga atorlugu nukissiorfimmik neqeroortitsinissamik Namminersorlutik Oqartussat 2022-miilli suliaqarnikuupput.

Qeqqata Kommuniani erngup nukinga atorlugu periarfissanik atuisinnaanermut aaqqiissutaasinnaasunik assigiinngitsunik takunninniarlutik suliffeqarfiit nunat tamalaaneersut kommuni aammattaq tikeraarnikuuaat. 2022-mi piffissatut pilersaarut nunarsuarmioqatigiinnut nalunaarutigineqarnerata kingorna suliffeqarfiit tikeraartut taakku ikiligaluttuinnarnikuupput. Suliffeqarfiit tikeraartut amerlanersaat erngup nukingata power-t-x-imut atorneqarsinnaaneranik ukkataqarnerupput ilaallu allanik pilersaaruteqarlutik. Suliffeqarfiit pilersaarutaasa arlaannaalluunniit Maniitsup qeqertaata avannaatungaani Alcoa aluminiumik tunisassiorfimmik pilersaarutigisaatut ingerlatsinerup ingerlanerani Qeqqata Kommunianut taamatut annertussuseqarnissaa isumaqarnanngilaq.

Naalackersuisut aamma Avatangiisinut, Pinngortitamut, Nukissiuuteqarnermut Ilisimatusarnermullu Naalackersuisoqarfiup neqeroortitsinerup ingerlerani ineriartorneq pillugu kommuni ingerlaavartumik ilisimatittarnikuuvaa. Namminersorlutik Oqartussat [www.hydropower](http://www.hydropower).

gl tuluttut oqaluffiusoq nunat tamalaani erngup nukinganik periarfissat pillugit oqaluttuussinissamut atornikuuaat. Suliniummik kalaallisut allassimasut ikitsuinnaat pigineqarput. Qeqqata Kommunia pappilissanik isertukkanik tigusaqarnikuunanilu imaluunniit Namminersorlutik Oqartussanik pisortatigoortumik suleqatigiiffiusunut peqataanikuunngilaq. Qeqqata Kommuniata tamanna ujjartornikuuaa kaammattuutigalugulu, innuttaasut inuussutissarsiuteqartullu annertunerusumik akuutinneqassasut assersuutigalugu innuttaasunik ataatsimiititsinikkut. Avatangiisinut, Pinngortitamut, Nukissiuutinut Ilisimatusarnermullu Naalakkersuisoq Kangerlussuarimi 26. maj, Kangaamiuni 27. maj Maniitsumilu 28. maj borgmesterimik borgmesterillu tullianik siullermik peqataaffigineqartumik innuttaasunut ataatsimiititsissaq.

Issittumi inuiaqagtiigiinni naapertuilluarnermik siuarsaataasumik nukissiuutini aningaasaliinernik ukkataqartuusumik Syddansk Universitet ilisimatusarluni suliniutaa pillugu Qeqqata Kommunia tapersersuisuuvoq. Suliniut taaguuteqartinneqarpoq Stjernemix aammalu 2025-29-mi ingelanneqassalluni: [www.sdu.dk/da/om-sdu/institutter-centre/institut-erhverv-baeredygtighed/nyheder-ieb/bevilling\\_stjernemix](http://www.sdu.dk/da/om-sdu/institutter-centre/institut-erhverv-baeredygtighed/nyheder-ieb/bevilling_stjernemix)

Syddansk Universitet Stjernemix-imi ilisimatusartut peqatigalgit 2026-imi maajip 26-anniit 29-ata tungaanut Maniitsoq tikeraassavaat, tassani Tasersiami nungusaataannngitsumik atuineq qanoq ingerlanneqarsinnaaneranut innuttaasunit tusarniaallutilu isumassarsiussaaq. Namminersorlutik Oqartussat, Qeqqata Kommunia, Arctic Circle Business allallu peqataaffigisaannik Stjernemix maajip 28-anni 29-annilu Maniitsumi workshopertitsissaq.

#### Atuilluartuunissakkut kingunerisinnaasat

Silaannaap allanngoriartorneranut killilersimaartitsinissamut nunarsuarimi atuilluartumik nukissiuutinik atuilluarnissaaq pingaaruteqarpoq. Tasersiami erngup nukingata periarfissaanik atuinikkut Kalaallit Nunaat nunarsuarimi nungusaataannnginnerusumut akissussaaffimmik annertunerusumik tigusaqassaaq.

Qeqqata Kommuniani suliffissualiornermik piviusunngortitsineq, immikkoortortani nutaani suliffissanik pilersitsisoqassaaq. Tamanna Qeqqata Kommuniani atuilluartumik annertunerusumik ineriartortitsissaq, taamaalillunilu aalisarneq kisimi nappatiginissaa kisiat isumalluutigiunnaassallugu.

#### Aningaasaqarnikkut allaffissornikkullu kingunerisinnaasai

Kangerlussuup aamma Nuup Kangerluata akornanni erngup nukingata periarfissaanik atuinermi aallaavilimmik suliffissuaqarnermut atortulersuut Kalaallit Nunaata oqaluttuarisaanernilu aningaasaliinerussaaq annertunerpaaq. Misissuineq siunissami qaninnerusumi Qeqqata Kommunianut annertuunik aningaasaqarnikkullu kingunissaqanngilaq. Sanaartornerup nalaani kingornalu ingerlatsinerup nalaani innuttaasunik amerliartortunik Qeqqata Kommunia kiffartuussisussaassaaq, ilaatigut kommunip suliffeqarfiinik amerlanerusunik sanaartornikkut ingerlatsinikkullu kiisalu illoqarfiup naapertuuttumik ineriartornissaanik qulakkeerilluni. Kisianni Qeqqata Kommuniani najugaqarfiup pioreersup qanittuani suliffissuaqarnermut atortulersuut sulisorpassuaqarnissaa inissinneqarnissaalu piumasaqaataavoq.

#### Allaffeqarfiup naliliinera

Siunnersuummi pingaarnertut eqqarsaatigineqartuni allaffeqarfik isumaqataavoq. Tasersiap erngup nukinganik periarfissaanik atuinissaaq pillugu suliniummi Qeqqata Kommunia peqataatinneqarnerunissaa pingaarutilerujussuuvoq. Politikikkut aqutsisoqatigiinnik aammalu allaffissornermi atorfilittanit suleqatigiimmik pilersitsisoqarnissaa pissusissamisoorpoq.

Kalaallit Nunaata kitaani Nunami allanngutsaaliugaq nutaaq pillugu suliniummi annikinneerarsuarimi Avatangiisinut, Pinngortitamut, Nukissiuutint Ilisimatusarnermullu Naalakkersuisoqarfimmit, Qeqertalik aamma Qeqqata Kommuniinut soqutigisaqatigiinniillu allanit

peqataaffigineqartumik aqutsisoqatigiinnik pilersitsisoqarnikuuvoq. Taanna Nunamik allangutsaaliukkamik pilersitsinissamut pingaarutilimmik kinguneqarnikuuvoq. Erngup nukinga atorlugu periarfissanik atuinissaq aamma nunamik allangutsaaliukkamik pilersitsineq Avatangiisinut, Pinngortitamut, Nukissiuutinut Ilisimatusarnermullu Naalakkersuisoqarfimmi inissisimanera soqutiginartuuq aammalu ingerlanissamut EU-mit aningaasanik tapiiffigineqarnikuulluni.

Borgmesteri borgmesterillu tullia siulleq tamarmik Aningaasaqarnermut ataatsimiititaliami ilaasortaasut enrgup nukinganik periarfissanik atuinermi Qeqqata Kommuniata aamma soqutigisaqatigiit allat pingasut annertunerusumik pisortatigoornerusumillu peqataatinneqarnissaat pillugu maajip 26-anni 28-annilu innuttaasunik ataatsimiititsinermut aammalu maajip 28-anni 29-annilu workshoppimut atatillugu Avatangiisinut, Pinngortitamut, Nukissiuutinut Ilisimatusarnermullu Naalakkersuisumik oqaloqatigineqarnissamut periarfisaqassapput.

### **Innersuussut**

Suliaq kommunalbestyrelsimut saqqummiunneqarpoq aamma

Siunnersuut eqqartorneqassasoq aammalu Aningaasaqarnermut ataatsimiititaliami suliareqqitassanngorlugu ingerlateqqinneqassasoq

### **Aalajangiineq**

### **Ilanngussaq**

Gideon Lyberth oqaluuserisassanngortitaa

**Imm. 4.3 Oqaluuserisassanut siunnersuut – Sanaartornermi aningaasaliissutaasartut pisariaqartsitsineq aallaavigalugu agguarneqartalernissaat**

*Journal nr. 17.15*

Tunuliaqutaq

Kommunalbestyrelsimi ilaasortaq Gideon Lyberth 1. maj 2026 mailikkut oqaluuserisassamik siunnersuummik nassiussivoq:

*Sanaartornermi aningaasaliissutaasartut pisariaqartsitsineq aallaavigalugu agguarneqartalernissaat.*

*Qanittuklut Kommunalbestyrelse-p amerlanerussuteqartup aalajangerpaa Sanaartornermut aningaasaliissutigineqartartussat siunissami inuttoqqortussuseq aallaavigalugu agguarneqartalissasut.*

*Qaammatini kingullerni pissutsit allanngorneri tunngavigalugit matumuuna siunnersuutigaara qangatut pissuseq uterfigineqassasoq, tassa sanaartornermut aningaasaliissutaasartussat pisariaqartsitsineq aallaavigalugu agguarneqartalernissaat.*

Maleruagassatigut tunngavissaq

Sanaartornermi inatsisartut inatsisaat nr. 11 af 2. december i 2009-imeersoq.

Pissutsit atuuttut

Inuttussuseq aallaavigalugu sanaartugassanut aningaasaliissutit agguanneqartalernissaat kommunalbestyrelsemi ukioq manna 26. februar oqaluuserineqarmat siunnersuummut isumaqataapput 10, akerliusut 4, taaseqataannngitsorlu ataaseq.

Ukiuni kingullerni missingersuuserinermi politikikkut pingaarnersiuiineq aallaavigalugu sanaartugassanut aningaasaliissutit immikkoortinneqartarput. Aningaasaliissutillu inoqarfimmut sorlermut aningaasaliissutigineqarnerat apeqqutaalluni inoqarfimmut aningaasaliissutit inuttaasumut ataatsimut agguaqatigiissillugu annertuumik nikingassuteqarsinnaasarpud. Taamatullu pingaarnersiuiinermi nunaqarfiit ilai aningaasaliivigineqanngitsoortarput. Inuttussuseq aallaavigalugu aningaasaliissutinik agguasalernekkut inoqarfiit tamarmik ukiut tamaasa aningaasaliivigineqartalernissaat qulakkeerneqarsinnaavoq.

Inoqarfiit inuttunerusut inukinnerusunut sanilliullugit sanaartugaasanut amerlanerusunik aningaasanik pisariaqartitsisarnerat pissusissamisoorpoq. Pissutigalugu inoqarfiit inuttunerusut meeqqerivinnik, atuarfinnik, inissianik attartortittakkanik, utoqqaat inissaannik, innarluuutillit najugaqarfissaannik il.il inukinnerusunut sanilliullugit amerlanerusunik pisariaqartitsisarmata. Taamaattumik pissusissamisoorpoq Sisimiut Maniitsumut sanilliullugu imaluunniit Kangerlussuaq Sarfannguanut sanilliullugu, imaluunniit Kangaamiut Napasumut sanilliullugu aningaasanik amerlanerusunik pisariaqartitsisarnerat. Soorlu kommunip illut pigisaasa aserfallatsaalineqarnissaannut aningaasaliissutit 60% Sisimiunut, 40%-lu Maniitsumut ullumikkut aningaasaliissutigineqartartut.

5. maj 2026 kommunimi innuttaasut amerlassuseqarput 9.183, procentinngorlugit inoqarfimmut imatut isikkoqarlutik;

	Inuttussuseq	Procent-nngorlugu
Sisimiut	5.503	59,9%

Maniitsoq	2.661	27,9%
Kangerlussuaq	390	4,2%
Kangaamiut	310	3,4%
Atammik	175	1,9%
Itilleq	99	1,1%
Sarfanguaq	87	0,9%
Napasooq	58	0,6%

Ukiuni 2019-2025 sanaartornermut aningaasartuutit illoqarfinni innuttaasumut ataatsimut agguaqatigiissillugit imatut annertussuseqarput (takuuk bilag 2);

Maniitsoq 91.367 kr.

Sisimiut 52.244 kr.

Taamaasilluni Maniitsumi innuttaasut Sisimiunut innuttaasunut sanilliullugit 74.9 %-imik annertunerusumik sanaartornermi aningaasaliivigineqarsimapput.

Nunaqarfiit eqqarsaatigalugit Sarfanguani innuttaasumut ataatsimut atuiffiunerpaasimavoq, innuttaasumut ataatsimut 257.236 kr. atorneqarsimallutik. Illuatungaani Napasooq annikinnerpaamik atuiffiusimavoq, innuttaasumut ataatsimut 2.623 kr. atorneqarsimallutik.

Ukiuni 2025-2027 sanaartugassanut aningaasaliissutit aallartereersut pilersaarutaasullu malillugit imatut agguarsimapput;

Maniitsumut 50%

Sisimiunut 28%

Nunaqarfiit 17%

Ataatsimoorussat (pulje) 5%

#### Aningaasaqarnikkut atuilluatuunissakkullu kingunerisinnaasat

Inuttussuseq aallaavigalugu agguasarnikkut inoqarfiit tamarmik aningaasaliivigineqartarnissartik qulakkiissavaat. Taamatutaaq innuttaasumut ataatsimut agguaqatigiissillugu innuttaasut tamarmik assigiimmik pissarsisalernissaat atuilluatuunerussaaq naligiimmillu pinninnerussalluni.

#### **Innersuussut**

Allaffeqarfimmiit innersuussutigineqarpoq inuttussuseq aallaavigalugu sanaartugassanut aningaasalersuisarneq atorunaarsinneqassanersoq isummerfigeqqullugu.

#### **Aalajangiineq**

#### **Ilanngussat**

1. E-mail Gideon Lyberth-imit nassiunneqartoq
2. Sanaartugaassanut aningaasaliissutit piffikkaartumik inissisimaffii
3. Innuttaasooq ataasiugaangat sanaartornermut aningaasartuutit agguarlugit

**Punkt 4.4 Oqaluuserisassanut siunnersuut – Sisimiuni Akiani nunaminertat suliffeqarfinnut sanaartorfissat**

*Journal nr. 16.03.00*

Tunuliaqutaq

Kommunalbestyrelsimi ilaasortaq Evelyn Mølgaard 3. maj 2026 mailikkut oqaluuserisassamik siunnersuummik nassiussivoq:

*Sisimiuni akiani illoqarfik nutaaq, maanna inuttoorujussuanngorpoq aammalu suliffeqarfik siulleg pilersinneqareernikuulluni, tassalu meeqqerivik Nattoralinnguaq.*

*Illoqarfik nutaaq inuttujaarujussuanngorpoq, ilaatigullu amigaagteqarnermik oqariartuutit arlaqarput tassalu pisiniarfeqannginneq.*

*Akiani najugallit tamarmik imaaliallaannaq illoqarfiliariaannaanngillat amigaatriminnik pisiniariartorlutik.*

*Tamaattumik nunaminertat inuussutissarsiutinut sanaartorfissatut aaliangikkat, akimikkut sanaartorusukkaluanut aporfiusimappata, Kommunal bestyrelsen immikkut ittumik aaliangiiffisariaqarparaa, nunaminertamik sanaartorfissamik akit aaqqiivigissallugit. Ineriartorneq aningaasarsiorfiillu nutaat Qeqqata Kommuniani pisariaqartiuppagut, taakuummata aamma kingisinnerusukkut akileraarutitigut isaatsitiviusussat, suli pilersitassanut nutaanut atorneqarsinnaasunut.*

*Tamannalu tunngavigalugu Kommunal bestyrelse-mut akinik nalimmassaanissaq suliarineqaqqullugu qinnutigaa.*

Inatsisitigut tunngavigisaq

Pilersaarusiorneq aamma nunaminertat atorneqartarnerat pillugit Inatsisartut inatsisaat nr. 17 17. novembari 2010-imeersoq.

Pissutsit atuuttut

Sisimiut Akiani KPT 38, delområde 800-A20 aamma KPT 19, delområde 800-C15.1 malillugit pisiniarliornissamut imaluunniit kioskiornissamut periarfissaqaraluarluni maannamut suli pisiniarfiliortoqarnissaanik sukumiisumik saaffiginnisummik qinnuteqaammilluunniit teknikkimut immikkoortortaq tigusaqarnikuunngilaq.

Pisiniarfiutileqatigiit Pisiffik aamma Brugseni allattoqarfimmiit Akiani pisiniarfiliorsinnaanermut tunngasumik paasiniaavigineqarnerminni ilisimatitsissutigivaat illoqarfiup qeqqani pisiniarfiliornis-satik pingaarnerutikkamikkat Akiani pisiniarfiliornissaq suli pilersaarutigineqanngikkallartoq.

Aningaasaqarnikkut allaffissornikkullu kingunerisinnaasai

Nunagissaanermut aningaasartuutigineqarsimasut aallaavigalugit nunaminertat sanaartorfissat amer-lassusaannut annertussusaannullut agguarlugit annertussusilerneqartarput. Nunaminertat inuussutis-sarsiutinut immikkoortinneqarsimasunut akigitit appartinneqassappata tamanna kommunip an-ingaasatigut annaasaqaatigissavaa imaluunniit sanaartorniartunut allanut qaffaanermik kingune-qarsinnaalluni.

Allaffeqarfiup naliliinera

Saaffiginnisummik tigusaqartoqarnikuunnginnera pissutigalugu Akiani suli pisiniarfeqalinngin-neranut nunagissaanermut akiliutigineqartarput annertussussaa allaffeqarfimmiit aporfiusutut

nalilerneqanngilaq. Allaffeqarfiup paasinninnera malillugu pisiniarfiutiqatigiit pingaarnersiullutik tulleriarinerannik pissuteqarsorinarpoq.

**Innersuussut**

Allaffeqarfiup innersuussutigaa nassuiaatigineqartut tusaatissatut tiguneqassasut.

**Aaliangiineq**

**Ilanngussat**

1. E-mail Evelyn Mølgaard-imit nassiunneqartoq

**Imm. 4.5 Oqaluuserisassatut siunnersuut – Aalisartut piniartullu ineriartortitsinermi siunnersortissamik aningaasaliissutit iluani pilersitsisoqqarnissaa**

*Journal nr. 22.02.00*

Tunuliaqutaq

Kommunalbestyrelsimi ilaasortaq Evelyn Mølgaard 2026-mi maajip pingajuani mailikkut oqaluuserisassatut siunnersuummik nassiussaqrpoq.

*Matumuuna Kommunalbestyrelsemut qinnutigaara aalisartut piniartullu ineriartortitsinermi siunnersortissaanik aningaasaliissutit iluani pilersitsisoqqarnissaa.*

*Ullumikkut sullississineq aalisarnermi pinaniarnermilu siunnersorteqarnikkut Qeqqata Kommuniani Maniitsumi Sisimimiunilu peqarpugut, tamanna aalisartut piniartullu sullinneqarnerinut assigiinngitsutigut ingerlanneqarpoq. Siunnertitta namminneerlutik nassuiaanerisigut piffissap ilaani ulapaarujussuuartarput piffissallu ilaani nalinginnaasumik suliaminnik ingerlatsisarlutik.*

*Taakku suliaat aalisarnermi inatsit naapertorlugu siunnersuillutillu kiffartuussipput, inuutissarsiutigalugu piniarnermut allagartartaarniarnermi, angallatsitaarniarnermi, CVR-itaarniarnermi kiisalu angallatit nalunaarsuiffianut nalunaarsuiniarnermi, suliasallu atorfimmi piumasagaataasut allat. Taakkualu sullissinerminni piginnaasaat tamatsinnut pitsaalluinnartumik inissisimapput.*

*Aalisartut piniartullu ullumikkut amigaatigivaat ingerlatsinerminni kiisalu ineriartortitsinissaminni aqutissiuissusartik tulaavissartik siunnersortissartillu, ima imalu ingerlatigunik sutigut ineriartortitsinnaanertik aammalu periarfissanik ujartuinerminni “putusiuissusartik”, aporfiaasusartik. Taamaasillutik aningaasanik nutaanik pilersitsiniarnerminni siunnersuisusartik pisariaqartilluinnarpaat.*

*Taamaattumik aningaasarsiorfinnik nutaanik ineriartortitsinnaanerup malitsigisaanik peqassappat pisariaqartipparput, aalisartunik piniartunillu ingerlatsinermut ineriartortitsinermullu sullissisussaq, taakkuninngalu pimoorulluinnarlugu ukkassisussaq. Taannalu ACB-ip periusaatut ittumik sullissisuussaaq.*

*Taannalu aningaasaliissutit ataatsimoorussat iluanit aningaasalerneqassaaq, Qeqqata Kommuniani aalisartunik piniartunillu sullississuussammat.*

*Ilanngullugu apeqquteqaatigerusuppara ullumikkut ACB aalisartunit piniartunit ineriartortitsiterusuttunit qassinit saaffigineqarsimava? Aammalu suut aporfiusimappat? Assinganillu aalisarnermut piniarnermut siunnersutigut Qeqqata Kommuniani aalisartunit piniartunit qassinit saaffigineqarsimappat ineriartortitsiterusuttunit? Suullu aporfiusimappat?*

Maleruagassatigut tunngavigisat

Qeqqata Kommunianut karseqarnermut naatsorsuuserinermullu malittarisassat.

Pissutsit atuuttut

Kommunalbestyrelsep pingaartippaa aalisartut piniartullu atugaasa ineriartortinneqarlutillu pitsanngorsarneqartuarnissaat. Tamanna tunngavigalugu ukiut siuliini katillugit 10 mio. kr. aammalu ukiuni tulluuttuni 12 mio. kr. aningaasaliissutigineqarput. Aningaasaliissutillu atuisut isumasioreernerisigut agguanneqartarput.

Allaffeqarfiup paasinninnera malillugu aalisartut piniartullu ulluinnarni ingerlatsineranni ineriartornissaannullu pingaaruteqarnerpaat ilaat tassaapput naalakkersuinnikkut pisassiissutit annertussusaat, tunitsiveqarnikkut periarfissat aammalu aalisakkat niuernikkut akiisa qanoq inissimaneri.

Allaffeqarfimmiillu maluginiarneqararpoq aalisarnej ingerlalluartillugu aalisartut atortuminnik pitsaangorsaannissaminnut ineriartortitsinissaminnullu malinnaalluartartut.

Ullumikkut Sisimiut Maniitsorlu tamarmik immikkut aalisarnermut piniarnermullu siunnersorteqarput, siunnersutillu suliassaat tassaapput;

- Kommunimi aqutsiveqarfimmi pisuussutinik uumassusilinnik aqutsineq
- Aalisartunut, piniartunut, sunngiffimmi pinialuttartunut, tammajuitsussarsiorfitsilluni piniartitsisartunut, aalisarnermut kattuffinnut Namminersorlutillu Oqartussanut attaveqarnej
- Piniarnej aalisarnerlu pillugit qinnuteqaatinik suliaqarnej
- Angallataarniarnermut tapiiffigineqarnissaq pillugu siunnersuineq
- Angallatinik Søfartstyrelsen-imut nalunaarsuineq
- Suleqatit suleqatigalugit tusarniaanernik assigiinnigitsunik akissuteqarnej
- Aalisarnermik piniarnernullu inuussutissarsiuqarnermik ineriartortitsineq
- Inuussutissarsiorfiup iluani inatsimmut ilisimasaqarnej
- Illuatungeriinnik akuutinneqartunik akimortumik suleqateqarnej
- Ataatsimiititaliamut sulianik saqqummiussassaliornerit
- Aalisarnermut piniarnermullu ataatsimiititaliamut allattaaneq
- Suliassat takkussuuttut nalinginnaasut

Taassuma saniatigut kikkulluunniit aamma aalisartut piniartullu ACB-imut siunnersorneqarnissaminnut pisariaqartitsisut siunnersorneqarsinnaapput. Annerusumik selskabiliorniartut, cvr-ritaarniartut, imminut pilersornissamik takorluugallit, soorlu panertitsiviliorniat avammullu tuniniaarusussinnaasut ACB-miit ikiorneqartarput.

Siunnersuineq pitsaannerusoq, ilisimasaqarnerulernissaq, nutaaliorneq aammalu suleqatigisinnaasanik attaveqalernissaq anguniarlugit ACB, aalisarnermut tunngasunik saqqummersitsinerimi ArcticExpo-mut peqataatitaqarput.

#### Allaffeqarfiup naliliinera

Aalisanermut siunnersortit suliassaat aammalu ACB-imi siunnersorneqarnissamut periarfissat pioreersut eqqarsaatigalugit, takuneqarsinnaavoq oqaluuserisassanngortitsisup kissaatai pioreersut aammalu siunnersorneqarnissaminnut pisariaqartitsisut pisariaqartitaat aallaavigalugit ikiorneqartareersut.

#### Aningaasaqarnikkut allaffissornikkullu kingunerisinnaasai

Siunnersortimik nutaamik immikkut atorfinitsitsisoqarnissanut missingersuutini aningaasaliissuteqanngilaq. Nutaamik atorfimmik pilersitsisoqassappat immikkut aningaasaliisoqartariaqassaaq, tamannalu ukiumut 436.320 kr. (brutto) naleqassaaq.

#### **Innersuussut**

Allaffeqarfiup innersuussutigaa periarfissaq ullumikkut pioreermat nassuiaatigineqartut tusaatissatut tiguneqassasut.

#### **Aalajangiineq**

**Ilanngussaq**

1. Evelyn Mølgaard-ip mailerutaa ulloqartoq 4. maj 2026

**Imm. 4.6 Oqaluuserisassatut siunnersuut – Illuutit atunngitsut atorluarnissaat**

*Journal nr. 09.00*

Tunuliaqutaq

Kommunalbestyrelsesemi ilaasortaq Evelyn Mølgaard ulloq 3. maj 2026 e-mailikkut oqaluuserisassanngortitsivoq:

*Qeqqata Kommuniani illuutit atunngitsut atorluarneqarnissaat, innuttaasunut sunniuteqarnerusumik atorluarneqarnissaat siunertaralugu siunnersuut.*

*Assersuutitut Meeqquerivik Nuka Meeqquerivuusimasup SISI-p affarlia illoqarfitta qeqqaniippoq, taannalu atorluarniarlugu matumuuna siunnersuutigaara “innuttaasut illuattut “ atuutilernissaa. Tassani siusinnerusukkut innuttaasut illuat Sisimiormiut atorluarsimasaat, ullumikkullu maqaasiuagarput pisariaqartitarpullu, tamanut tikilluaqqusisoq peqatigiiffinnut, innuttaasunullu pilerseqqittariaqarmat.*

*Inuutaasut qanimut peqatigineqarfigisinnaasaat, inuttaasut aaqqissuussanut assigiinngitsunut atorluarsinnaasaat, peqatigiiffiit tamarluinnarmik ataatsimoorfigisinnaasaat, illuutit atunngitsut innuttaasunut annerpaamik sunniuteqartumillu atorneqarlik.*

*Tamaattumik “innuttaasut illuat” aningaasaliissutaareersut iluani aaqinneqarsinnaappat ilinniartitaanermut ataatsimiititaliap aammalu atugarissaanermut ataatsimiititaliap ataani nakkutilliisulerlugu, atorneqartarnissaanullu periusaasimasoq innuttaasut illuani ingerlatsinermi atorneqarsinnaavoq.*

*Assersuutitut:*

*Peqatigiiffiit nukittorserneqarnissaani iluaquterujussuussaaq illumik ataatsimoorfeqalerneq. Innuttaasut soorlu sulisinnaajunnaarnersiuteqalersimasut ataatsimoorgisinnaasaattut aaqqissuussamik.*

*Annaasaqarsimasut aliasoqatigiit naapiffiattut.*

*Pinaveersaatitsinermi aaqqissuussivittut.*

*Innuttaasut ulloqartarnerani unammiuarfittut Unammiat unnuiffigisinnaattut.*

*Sorpassuatigut illu iluaqutaasinnaammat, innuttaasut pisariaqartitaannut.*

Maleruagassatigut tunngavigisat

Kommunimut pisinnaatitsissut (Kommunalfuldmagt)

Pissutsit atuuttut

Illu Aqqusinersuaq 22 massakut pillorissaasunit piginnaanngorsarfittut atorneqarpoq, inili qulleq ajoraluartumik atorneqanngilaq imermik ajoqusernikuugami. Ini qulleq tamakkiisumik ator-neqarsinnaalissappat siullertut ilua annertuumik nutarterneqartariaqarpoq, tulliaattut silataa, igalaat arlallit aserorneqarnikummata ataatsimullu isigalugu silataa ilualu aserfallassimapput. Illup imaqanngitsortaata misissorneqarnerani ilua nutarterneqarsinnaavoq peqatigiiffinnut illutut ator-neqarsinnaanngorlugu, ukiullu tulliani Aqqusinersuaq 20 (Ilinniartitaanermut Immikkoortortaqar-fiup aamma Majoriap illutaa) aamma Aqqusinersuaq 22 (Røde Kors, Sisimiut TV, Pillorissaasullu illutaat) tamarmik silataat nutarterneqarsinnaallutik. Taamaalilluni illoqarfiup isikkuanut pitsaaneru-lersitsisinnaalluni.

### Allaffeqarfiup naliliinera

Illuutiniq nutarterinissamat aningaasaliissutiniq pioreersunit iluata nutarternissaanut periarfissaqar-pugut, silataanulli aningaasaliissutit annertunerusut pisariaqassapput. Inip qulliup imaqqangitsup iluata nutarterneratigut peqatigiiffiit illuattut peqatigiiffinnullu aqqiissuussinerni anginerusuni un-nuisarfittut atorneqarsinnaalissaaq.

### **Innersuussut**

Allaffeqarfiup innersuussutigivaa, aserfallatsaaliinermut aningaasaliissutit atorlugit iluarsartuun-neqareerpat siunnersuuteqartup kissaatigisatatuut atorneqarsinnaasunngorlugu innuttaasunut neqer-oorutigineqarumaartoq.

### **Aalajangiineq**

### **Ilanngussaq**

1. Evelyn Mølgaard 3. maj 2026 mailerutaa

**Imm. 4.7 Oqaluuserisassatut siunnersuut – Sisimiuni Saviminilerinermik Ilinniarfissamut nutaamut piareersarneq**

*Journal nr. 22.02.00*

Tunuliaqutaq

Kommunalbestyrelsesemi ilaasortaq Evelyn Mølgaard ulloq 3. maj 2026 e-mailikkut oqaluuserisassanngortitsivoq:

*Sisimiuni Saviminilerinermik Ilinniarfik 2032-imi atorneqalerluni aallartissasoq Naalakkersuisut nalunaarutigivaat.*

*Siunissamut piareersarnissaq pisariaqarmat, matumuuna illoqarfitsinni suliasarput pillugu paasititsiniaasoqarnissaa kissaatigaara.*

*Ilinniarfik atorfinnik qassinik nassataqassava, ilaqutariit innuttaasussavut pillugit piareersassagutta ulluunerani paaqqinnittarfeqarnikkut, atuarfeqarnikkut inissiatigullu qanoq inissisimavugut.*

*Missingersuusiunnginnermi paasissutissat, ineriartornermi kissaatit malinnaatinneqartussat, taavalu siunissamut qaninnerpaamut piareersimaniassagatta tamanut ilisimatitsissutiginiissaannik kissaateqarneq.*

Maleruagassatigut tunngavigisat

Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 31, 4. juuni 2010-meersoq

Pissutsit atuuttut

KTI (**K**alaallit **N**unaanni **T**eknikimik **I**linniarfik), Nuummi Saviminilerinermik Ilinniarfik 30-it missaannik sulisoqartoq takuneqarsinnaavoq, taakkunannga Saviminilerinermik Ilinniarfimmi inuussutissarsiutigalugu ilinniarfissatut neqeroorutaasartuni assigiinngitsuni ilinniartitsisut 20-it missaanniillutik. Qassilli nooqataassanersut ilaqutariikkaarnersullu nalileruminaappoq, ulluuneranili paaqqinnittarfinni atuarfinnilu inissaqarmat meeqqat tigusissaannut Sisimiut piareersimavoq.

Allaffeqarfiup naliliinera

Saviminilerinermik Ilinniarfimmi massakkut sulisunut Namminersorlutik Oqartussat paasititsiniaanissaminnut qulakkeerinninnissaminnik akisusaasuupput, tassami kommunip sivitsortumik kissaatiginikummagu Saviminilerinermik Ilinniarfik ilanngullugu KTI ataatsimut ilinniarfeqarfinngornissaa, tassani teknikkikkut inuussutissarsiutitigut ilinniarfiit tamarmik pitsaasumik sunneeqatigiinnissaat qulakkeerneqarluni, KTI Sanaartornermik, Aatsitassalerinermik Ilinniarfik, DTU Artic, Issittumi Ingerniør, Aalisarnermi Atortorissaarusersorneq massakkut ataatsimoorput, Saviminilerinermik Ilinniarfiup ilanngunneratigut atuartunut tamanut minnerunngitsumillu ilinniartitsisunut sunniut pitsaanerpaaq qulakkeerneqassaaq.

**Innersuussut**

Allaffeqarfiup innersuussutigivaa, paasissutissat annertunerusut piumallugit allaffeqarfik Naalakkersuisoqarfimmut saaffiginnissuteqassasoq.

**Aalajangiineq**

**Ilanngussaq**

1. Evelyn Mølgaard 3. maj 2026 mailerutaa

**Punkt 4.8 Oqaluuserisassanut siunnersuut – Nalunnguarfiup Sisoraartarfiata eqqaani perusersartarfiliinissaq**

*Journal nr. 22.02.05*

Tunuliaqutaq

Kommunalbestyrelsimi ilaasortaq Evelyn Mølgaard 3 maj 2026 mailikkut oqaluuserisassamik siunnersuummik nassiussivoq:

*Matumuuna ukiuunerani sisorartarfiup nalunnguarfiup tasiata kujataatungaani piaartumik perusersartarfilerinissaa pisariaqarluinnarmat, perusersartarfimmik ilisisoqarnissaa aaqqiisoqarnissaa kissaatigaara.*

*Sisortarfik meerarpassuarnit inersimasunillu atorluarneqartarpoq, ammaneranilu meeqqat inersimasullu soorunami pisariaqarluinnartumik perusersartarfimmik pisariaqartitsisarput, tamannalu aaqqiivigineqartariaqarluinnamat, matumuuna pilerneqarnissaa siunnersuutigaara.*

Maleruagassatigut tunngavigisat

Kulturikkut ingerlatsineq sunngiffimmilu sammisassaqtitsineq pillugit Inatsisartut inatsisaat nr. 5 6 juuni 2016-imeersoq.

Pissutsit atuuttut

Ullumikkut Nalunnguarfiup tasiata eqqani majartaat toqqaannartumik perusersartarfeqanngilaq, taamaattorluni Kulturikkut illorsuaq aammalu inuusuttunut ornittakkami periarfissaqarluni. Aningaasaqarnermut Ataatsimiittaliap ataatsimiinnerminni 21 april 2026 kingullermik ataatsimiinnermi Umiarsuit takornariartaatsit avatangiisinut aserfallatsaaliinermullu Akiliutaannit aaliangiuppaat perusersartarfimmik angallanneqarsinnaasumik/nuunneqarsinnaasumik pisinissaq, taannalu aasakkut takornarissanut atorneqartassaluni. Uanilu periarfissaavoq ukiukkut sisorartarfik ammarneqarneraniit eqqaanut inissinneqartarnissaa.

Aningaasaqarnikkut allaffissornikkullu kingunerisinnaasai

Perusersartarfiliinissamut aningaasartuutit annertusinnaapput, eqqaa ikkuffigisinnaasaanik kuuffissuaqanngimmat. Angallattagarlu aamma ingerlatsinermut (eqqartarnerit aammalu imaartsinneqartarnissaanut) aningaasartuuteqassalluni.

Allaffeqarfiup naliliinera

Sisoraartarfiup eqqaani perusersartarfimmik pilersitsinissamik pisariinnerpaassaaq perusersartarfik angallattagaq piniarneqartoq ukiukkut majortaap eqqaanut inissinneqartarpat. Eqqartarnera imaartarneralu Skicenter-ip aningaasaliisutaaniit akilerneqarsinnaassapput, oqaatigiuminaapporli qanoq annertutigissanersut.

**Innersuussut**

Allaffeqarfiup kommunalbestyrelsemut innersuussutigaa perusersartarfiup ingerlanneqarneranut aningaasartuutit misissorneqassasut, kingornalu ataatsimiittaliyamut susassaqtartumut ingerlateqqillugu.

**Aaliangiineq**

**Bilag**

1. E-mail Evelyn Mølgaardimiit nassiunneqartoq

**Imm. 4.9 Oqaluuserisassatut siunnersuut – Sisimiuni sisorarfissaliornissamut aningaassaliissutit peerneqarnissaat**

*Journal nr. 22.02.05*

Tunuliaqutaq

Kommunalbestyrelsimi ilaasortaq Karl Lyberth 5. maj 2026 mailikkut oqaluuserisassamik siunnersuummik nassiussivoq:

*Qeqqata kommuniani kommunalbestyrelsi aalajangiinikuvoq 2026-mut missingersuutitut Sisimiuni sisorartarfissaq nutaaq ilanngunneqassasoq.*

*Qeqqata kommuniani innuttaasut pisariaqartitaat assigiinngitsut eqqarsaatigalugit, soorlu inissaaleqinerujussuaq, utoqqaat illuisa nutarternissaat, puiguttornngortunut inissiat amigaataanerujussui, meeqqeriviit nutaat amigaataaneri, utoqqaat innarluutillilu illunik aalajangersimasunik ornittagaqannginneri, allallu pisariaqartinneqartut eqqarsaatigalugit, isumaqarpunga maannakkut piffissaanngitsoq Sisimiuni nutaamik sisorartarfilliornissaq.*

*Aamma uani eqqaamaneqassaaq Sisimiuni massakkut pitsaalluinnartumik sisorartarfeqareenera Sisimiuni sisorartartunit atorluarneqaqisumik iluaqutaaqisumillu.*

*Qulaani pissutsit tunngavigalugit matumuuna siunnersuutigaara aningaasat Sisimiuni sisorartarfissamut tungaamut immikkoortinneqarsimasut Qeqqata kommuniani innuttaasunit pisariaqartinneqartunut allanut, soorlu inissianut nutaanut, nuullugit atorneqartussanngorlugit kommunalbestyrelsi aalajangiissasoq.*

Maleruagassatigut tunngavigisat

Kulturikkut ingerlatsineq sunngiffimmilu sammisassaqartitsineq pillugit Inatsisartut inatsisaat nr. 5 6. juuni 2016-imeersoq.

Sisimiut eqqaanni imeqarfiup killeqarfilerneqarneranut immikkut ittumik maleruagassat pillugit Namminersorlutik Oqartussat nalunaarutaat nr. 9 20. aprili 2015-imeersoq §5 sisorarfik solbakken.

Pissutsit atuuttut

2024-imut missingersuutit suliarineqarmata pingaanersiunerimi aningaasaliiffigineqartut allat saniatigut, Sisimiuni nutaamik sisorartarfiliornissamut 22 mio. kr. aningaasaliissutigineqarnissaat akuersissutigineqarput. Taassuma saniatigut folketingimi ilaasortaasimasup Aaja Chemnitzip suliniuteqarneratigut Folketingimi Aningaasanut Inatsit aqutigalugu 3 mio. kr. tapiissutigineqarput, taamaasilluni katillugit 25 mio. kr. pigineqalerlutik.

Sisimiuni sisorartarfik ukiut 38-it matuma siorna, 1988-mi atoqqaartinneqarpoq. Imeqarfiullu killeqarfiata iluaniinnera pissutigalugu ineriartorteqqinneqarnissaminut annertuumik killiler-sorneqarpoq. Nutaanngilineralu pissutigalugu kingoraartissamaatit pissarsiariniarneri ajornar-sinikuullutik.

Sunngiffimmi sammisassat assigiinngitsut, soorlu sisorartarfiit innuttaasut inuunerannut pingaarutillimmik aamma ilaapput. Pissutigalugu sisorartarfeqarnikkut innuttaasut silamiinnissaannut, ilorri-simaarnissaannut aammalu najugaqarfigisap nuannersuunissaanut pingaaruteqarmata. Sisorartarfiit aamma taakkuupput innuttaasut ilaqutariillu illoqarfik qimalaarlugu nuannersumik annertuumik ataatsimoorfigisartagaat.

Sisimiuni nutaamik sisorartarfiliorniarnermut tunngavilersuutaasut ilagaat sisorartartut innuttaasullu ullumikkorniit pitsaanerusumik periarfissagissaarnerusumillu sisorartarfeqarnissaat aammalu siunis-sami takornariaqarnikkut ineriartortitsinermut tapertaaqataasinnaanera naatsorsuutigineqarmat.

Ullumikkut Sisimiuni majuartaat 350 meterinik takissuseqarpoq. Sisorartarfissaq nutaaq pilersaarutit malillugit sananeqassappat majuartaat meeqqanut inersimasunullu katillugit 900 meterip missaanik takissuseqassaaq, sisorarfiusinnaasullu (pister) assigiinngitsut arlallit pilersinneqassallu-tik. Sisorartarfissaq ukiukkuinnaq atorani aamma aasakkut cykelinut majuarfiusinnaasunngorlugu atorneqarsinnaanissaa pilersaarutaavoq, taamaasilluni ukiumi aasamilu atorneqarsinnaaneratigut il-loqarfimmi sunngiffimmi sammisassatigut annertuumik pitsanngorsaaqataassaaq.

Inuusuttagut kommunitsinni najugaqaannarnissaat kissaatigigutsigu pingaaruteqarpoq sunngiffimmi sammisassatigut ineriartornermut aamma kommunitta peqataanissaa, taamaasiunngikkuttami Nu-ummiit suli annertunerusumik katataagaluttuinassaagut. Takuuk Nuummi sisorartarfeqarnikkut ine-riartortitsinissaminut pilersaarutaat, [Siunissami sisoraatnik timersortarnissaq Nuummi ilusiler-sorneqartoq](#)

Sisimiuni sisorartarfissaq nutaaq sinerissamiit nunattalu avataaniit takornarissanit tikittoqartalerne-runissaanut pilersaarutaasinnaasutut aamma naatsorsuutaavoq.

Erseqqissaatigineqassaaq nalinginnaasunik inissialiornissaq, puiguttunngortunut angerlarsimaffi-liornissaq Maniitsumilu utoqqaat angerlarsimaffiata iluarsartuunneqarnissaa aamma aningaasaliiffi-gineqarsimasunut ilaammata.

#### Aningaasaqarnikkut allaffissornikkullu kingunerisinnaasai

Sisorartarfissap pilersaarusiornernanut aningaasat maannamut 1.105.377 kr. piffissarlu annertoq atorneqareerput, suliarlu suli siunnersuisartuni ingerlanneqarluni, pilersaarullu unitsinneqassappat aningaasat taakkua piffissarlu atorneqartoq kiviinnassapput. Taakkualu saniatigut folketingimiit tapiissutit 3 mio. kr. aamma annaaneqassapput.

Sinneruttut 19.894.622 kr. inissialiornissamut nuunneqassappata inissiat qanoq angitigineri sumiinnissaalu apeqqutaallutik inissiat 6-8 sananeqarsinnaapput. Sisorartarfissaq piviusunngussappat naatsorsuutigineqassaaq ukiup ingerlanerani inunnit hunnorjulikkaanit atorneqartarnissaa.

#### **Innersuussut**

Allaffeqarfiup innersuussutigaa Sisimiuni sisorartarfissamut aningaasaliissutit peerneqassanersut isummerfigeqqullugu.

#### **Aaliangiineq**

#### **Bilag**

1. E-mail Karl Lyberth-imit nassiunneqartoq

**Punkt 4.10 Oqaluuserisassanut siunnersuut – Ataatsimiitaliamik nutaamik pilersitsinissaq**

*Journal nr. 01.03.49*

Tunuliaqutaq

Kommunalbestyrelsimi ilaasortaq Gideon Lyberth 1 maj 2026 mailikkut oqaluuserisassamik siunnersuummik nassiussivoq:

*Inuussutissarsiutinut aatitassaqaqarnermillu ataatsimiitaliamik pilersitsinissaq.*

*Tasersiaq eqqarsaatigalugu Namminersorlutik oqartussat annertooujussuarmik pilersaaruteqarput naluneqanngitsutullu taseriammi innaallagissiuussuarmik pilersitsisussat suunersut ukiuni tulliuuttuni Namminersorlutik oqartussaniit toqqarneqartussaapput. Tamanna assut nuannerpoq iluatinnarlunilu.*

*Ajoraluartumilli suliarujussuaq taanna Qeqqata Kommuunia qulaatiinnavillugu aammalu suleqatiginaguluunniit ingerlanneqarpoq. Uanga isumaga malillugu taamaattussaanngivippoq. Taseriaq atorneqalissappat aammalu atorneqalerpat aavartarfiit, umimmanniartarfiit, eqalunniartarfiit aallarsimaartarfiillu annertooujussuarmik sunnerneqartussaapput, siornatigummi alcoa pilersaarutai malissagaanni Taseriaq 20 meter tikillugu tasertaa qaffanneqartussaammat, taamaalilluni nunarujussuarmik immaqalu aamma silaannarmim innarliinermik kinguneqarsinnaalluni. Taamaattumik pissusissamisuuksaaq Qeqqata Kommuunia suliarujussuarmut tassunga ilaatinneqalerpat.*

*Taassuma saniatigut suliffeqarfik suussanersoq Namminersorlutik Oqartussat toqqartussaavaat. Taannalu toqqaanissaq qeqqata kommuunianut annertooujussuarmik aamma kinguneqartussaavoq, Allaat Qeqqata Kommuuniata aningaasarsiorneranik allannguerujussuarsinnaalluni. Assersuutigalugu alominiliorfik toqqarneqassappat ataavartumik ingerlalernerani sulisut 800 miss. qqqarsaatigineqarsinnaapput, biilinilli bateeriliorneq toqqarneqassappat sulisut 100 miss eqqaesaatigineqarlutik. Taamaattumik pissusissamisuuksaaq suliarujussuarmut tassunga piaartumik Qeqqata Kommuunia ilaatinneqalerpat.*

*Pingajuattut: Qeqqata Kommuuniata annerusumik suliarujussuaq taseriamut tunngasoq iluaqutigissappagu, aammalu Qeqqata Kommuuniani suliffeqarfiit tassunga suliarujussuarmut ilaatinneqassappata suliffeqarfiit annertooujussuarmik piareersartariaqassapput aammalu annertooujussuarmik ikioqatigiittariaqassallutik suliassanik annertuumik pilersitsinermi aammalu ataavartumik ingerlanerani peqataatinneqassappata. Taamaattumik pissusissamisoorpoq maannangaaq Qeqqata Kommuunia piareersassasoq aammalu Qeqqata Kommuuniani suliffeqarfiit suleqatigilluarllugit ACB GE-lu suleqatigalugit siunissamut piareersarnissat.*

Maleruagassatigut tunngavigisat

Kommunit aqunneqarnerat pillugu Inatsisartut inatsisaat nr 29 17 novembari 20217-imeersoq.

Pissutsit atuuttut

Kommunalbestyrelsi 24 april, 2025-imi ivertinneqarmat kommunip aqqissuussaanera, ataatsimiititaliat inissititernerat taamatullu kommunip susassaqaqarfiini aqutsinermut ileqqoreqqusaq akuersissutigineqarput, 2 maj, 2025 aappasaanerlugu akuerineqarluni.

Kommunip sussassaqaqarfiini aqutsinermut ileqqoreqqusami ilaatigut allassimavoq  
Aningaasaqarnermut Ataatsimiitaliap inuussutissarsiornermut ineriartortineq, aatsitassarsiornermut

tunngasut, erngup nukinganik nukissiuuteqarneq ilanngullugit akisussaaffigigai. Taamatutaaq Aningaasaqarnermut Ataatsimiititaliaq periusissiaanik suliaqarnissamut akisussaasuvoq.

Tasersiamut tunngatillugu Avatangiisinut, Pinngortitamut, Nukissiuutinut Iisimatusarnermullu Naalakkersuisoqarfiup oqartussaaffigalugulu akisussaaffigivaa. Maannakkullu tamanut ammasumik Naalakkersuisut neqeroortitsinermik ingerlatsipput.

Borgmesterip Naalakkersuisunik naapitsinermi suliniutip killiffianik tusarniaasarpoq, kingullermillu Naalakkersuisumik ataatsimeeqateqarnermini februaarip 16-iani 2026-mi killiffimmik ilisimatinneqarluni tassanilu isumaqatigiillutik innuttaasunik ataatsimiisitsisoqarnissaa ukiormanna. Suliallu annertunera sivisuumillu ingerlanneqarnera pissutigalugit annertunerusumik nutaarsiassanik nutaanik pissarsisoqartannginnera oqaatigineqassaaq.

Suliffeqarfiit erngup nukinganik suliffeqarfissualiornissamik soqutigisaqartut ilaat Maniitsumut tikeraartarsimapput, tikeraarnermilu borgmesteri, tullersortaalu viceborgmesteri siulleq nalinginnaasumik peqataasarput.

Qujanartumilli suliniutip killiffia pillugu Nukissiuutinut Naalakkersuisoq piffissami 26-28 maj Kangerlussuarmi, Kangaamiuni, Maniitsumilu innuttaasunik ataatsimiisitsissaaq. Tassanilu borgmesteri aammalu tullersortaa 1 viceborgmester peqataassapput.

#### Aningaasaqarnikkut allaffissornikkullu kingunerisinnaasai

Aningaasaqarnermut aammalu allaffissornermi kingunerisinnaavaa ataatsimiititaliamik pilersitsinermi ataavartumik ataatsimiititaliat tallimannngortinneqarnissaat, taamaalilluni ataatsimiititaliat (Aningaasaqarnermut ilanngullugu) arfinilinnngussallutik. Ataatsimiititaliamik nutaamik pilersitsinermi qinikkanut aningaasartuutit (siulittaasumut) ukiumut 84.379,68 koruuninik aningaasartuuteqarnerulernermik kinguneqassaaq.

#### Allaffeqarfiup naliliinera

Tasersiami erngup nukinga atorlugu suliffeqarfissuarliornissaaq sapinngisamik annertunerpaamik kommunimut, inuussutissarsiortunut, innuttaasunullu pitsaanerpaamik pissarsissutaanissaa kommunimiit pingaartinneqarpoq. Pilersitsinissarlu anguniarlugu isumaqatiginninniarnert aallartinneqarpata kommunip pinngitsoorani peqataatinneqarnissaa kommunimiit avaqqunneqarsinaanngitsutut isigineqarpoq.

Allaffeqarfiullu nalilerpaa erngup nukinga atorlugu suliffeqarfissualiornissamut tunngatillugu suliassat immikkut ataatsimiititaliamik pilersitsinngikkaluarluni suliassat kommunimut tunngassuteqartut suliarineqartussaareersut. Taamaattumik allaffeqarfiup nalilerpaa immikkut ataatsimiititaliamik pilersitsinngikkaluarluni suliassat qulaani pineqartut Aningaasaqarnermut Ataatsimiititaliap ataani inissisimaannarunik tulluurtuusoq.

#### **Innersuussut**

Allaffeqarfiup innersuussutigaa akisussaaffiit inuusustissarsiornermut aatsitassanullu tunngasut allannguuteqaratik Aningaasaqarnermut Ataatsimiititaliami inissisimaannassasut.

#### **Aaliangineq**

#### **Bilag**

1. E-mail Gideon Lyberth-imit nassiunneqartoq

#### **Imm. 4.11 Itillimi katersortarfiup Kateriffimmik taaguuteqartup maleruagassai**

*Journal nr. 01.00.02*

##### Tunuliaqutaq

Itillimi katersortarfik maleruagassaqaqqannginnera peqqutigalugu Itillimi kommunimi allaffiup ujar-torpai pilersinnissai.

Maleruagassat siunertaraat katersortarfiup ingerlanneqarneranut, atorneqarneranu aamma allaff-issornikkut ersarissunik sinaakkuteqalernissaat.

Maleruagassat qulakkiissavaat torersumik, akisussaassuseqartumik aamma atuisunut assigiimmik ersarissunik najoqqutassaqaarnissaa.

##### Malittarisassanut tunngavissat

Kulturikkut ingerlatsineq sunngiffimmilu sammisassaqaqtitsineq pillugit Inatsisartut inatsisaat nr. 5, 6. juuni 2016-imeersoq

##### Pissutsit atuuttut

Manna tikillugu Kateriffik maleruagassanik peqarsimangilaq, taamaattumik allaffissornikkut, at-tartornermut aamma illup atornissaanut ersarissunik maleruagassanik sinaakkutinillu pilersitsinissaq pisariaqarpoq.

Maleruagassanik peqarsimanginnerata kingunerisimavaa, Kateriffimmik atuisut ilaat illumut, pisattanut aamma illup qanoq isikkoqartillugu utertitsinerminnut mianerinnippallaarsimanginnerat.

##### Aningaasaqaarnikkut allaffissornikkullu kingunerisinnaasai

Maleruagassanik pilersitsinerup malunnaatilimmik aningaasaqaarnikkut kinguneqaarnissaa naatsor-suutigineqaqqanngilaq. Taamaattorli allaffissornikkut attartornermi isumaqatigiissusiormut, at-tartornerit nalunaarsornerinut, aamma akiliutinik qularnaveequtinillu isumaginninnermut malun-naataavallaangitsumik kinguneqaassaaq.

##### Allaffeqarfiup naliliinera

Allaffeqarfiup nalilerpaa maleruagassanik pilersitsinerup assigiissarnerusumik ersarinnerusumillu Kateriffimmik aqutsinermik pilersitseqataanissaat. Akisussaaffimmik agguataarineq, attartornermut maleruagassat aamma atornissaanut periusissat eqqiaanermut qularnaveequsiinermullu tunngasut ersarissarneqassapput. Tamanna paatsoornerit aaqqiagiinnginnerillu pinaveersaartissavai.

Maleruagassattaq illup paarilluarneranut pitsaanerusumillu atorneqaarnissaanut tunngaviliinissaat naatsorsuutigineqarpoq.

##### Teknikkimut Ataatsimiititaliap suliamik suliarinninnera

Ataatsimiititaliap majip 13-ani ataatsimiinnermini innersussut akuersissutigivaa.

##### **Innersuussut**

Teknikkimut Ataatsimiititaliap kommunalbestyrelsimut akuereqqullugu innersuussutigivaa: Itillimi Kateriffiup attartornissaanut maleruagassat akuerineqassasut.

##### **Aalajangiineq**

##### **Ilanngussaq**

1. Maleruagassanut missingiutit

**Imm. 6.1 Ilaqutariinnut inerisaaviup siunertaata quppersagaliarineqarna, Qeqqata Kommunia**

*Journalnr. 42.00*

Tunuliaqutaq

Ukiorpassuarni Ilaqutariinnut inerisaaviit kommunitisinni atuupput, taamaatttoq 2024-mi nutaamik inatsisileqalerneratigut pisariaqarpoq Qeqqata Kommuniani Ilaqutariinnut inerisaaviit siunertaasa ataatsimoortillugit allassimasoqalernissaa.

Ukioq 2025 Qeqqata Kommuniani Ilaqutariinnut inerisaavinni illoqarfinni marluusuni assigiissaarineq, suleriutsinik sullissisunillu ineriartortitseqqinneq annertuumik ukkanneqarpoq, taamaasilluni quppersagaq una aamma inaarsarneqarluni tamanut takusassiarineqarsinnaanngorluni naammassineqarpoq.

Quppersakkap siunertarivaa Qeqqata Kommuniani ikiorsiinnermi Ilaqutariinnut inerisaaviup siunertaata, suliaasaqarfiisa, neqeroorutaasa kiisalu innuttaasut kikkut sullitassarinerai ersarissumik innuttaasunut suleqatigisanullu takuneqarsinnaanissai.

Quppersakkami atuarneqarsinnaapput suut neqeroorutaanersut, sulisut qassiuneri, kikkut suleqatigineqartarneri kiisalu Ilaqutariinnut inerisaaviup ataaniittut immikkoortortaarfii suunersut kiisalu suleriutsit suut atorneqarnerisut.

Maleruagassatigut tunngavissat

Meeqqanut Ilaqutariinnullu Sullissiviit, Ilaqutariit Illui aamma Qimarnnguiit pillugit Namminersorlutik Oqartussat nalunaarutaat nr. 7, 26 Januar 2024-meersoq kap. 1 §1,2,4 aamma 5.

*“§ 1. Meeqqanut Ilaqutariinnullu Sullissiviit kiisalu Ilaqutariit Illui meeqqanut, inuusuttunut ilaqutariinnullu, tassunga ilanngullugit ilaqutariinngulersut, meeqqat inuusuttullu inuttut atugarliortut imaluunniit immikkut ittunik pisariaqartitaqartut immikkut qitiutillugit suliaqarfuit assigiinngitsut akornatigut siunnersuisassapput, ilitsersuillutillu katsorsaasassapput.*

*§ 2. Meeqqat tapersorsorneqarnissaannut Inatsisartut inatsisaat naapertorlugu meeqqap inuusuttulluunniit angerlarsimaffittut kommunerisaani suliat pillugit sulianik suliarinnittartunut Meeqqanut Ilaqutariinnullu Sullissiviit aamma Ilaqutariit Illui ilitsersuillutillu siunnersuisassapput. allami pisortat ingerlatsiveqarfiani attaveqatigiit pillugit ataatsimiinnerisigut pisarsinnaapput.*

*Innersuussineq ingerlatsinerlu*

*§ 4. Meeqqanut Ilaqutariinnullu Sullissivinni aamma Ilaqutariit Illuini neqeroorutinut innersuussineq kommunip ingerlatsiviani pisarpoq.*

*§ 5. Meeqqanut Ilaqutariinnullu Sullissiviit minnerpaamik tullinnguuttunik neqerooruteqassapput:*

*1) Ilaqutariinni siunersioqatigiinnerit imaluunniit assigisaanik suliniuteqarnerit, tassani meeqqat inuusuttullu 18-it inorlugit ukiullit taakkualu ilaqutaat attaveqarfigisartagaallu meeqqap pisariaqartitaanut ilungersornartitaanullu ilanngutitinneqassapput, meeqqap atugarissaarnerata ineriartorneratalu tapersorsorneqarnissaa siunertaralugu inuit ilanngutitinneqartut ataatsimoortullu pisussaaffiliisumik anguniagassaminnik pilersitsissapput.*

*2) Aqqutissiuinertalimmik ilaqutariinnik katsorsaaneq.*

*3) Naartusunut atugarliortunut angajoqqaanullu marluk inorlugit ukiulinnik qitornalinnut siusissukkut iliuuseqarneq.*

*4) Oqaloqatiginnittarnikkut katsorsaaneq.*

- 5) *Siumoortumik piffissamik inniminneeqqaarani innersuussinermilluunniit piimasaqaatitaqanngitsumik oqaloqatiginnikkut ammasumik siunnersuineq.*  
6) *Ajornartoornermi ikiuigasuarneq.*”

Qeqqata Kommuniata pingaartippaa meeqqat inuusuttuaqqallu angerlarsimaffiup avataanut inissinneqartartut minnerpaaffianiitinnissai, ikilisarniassallugillu, taamaalillutik suleriutsit suliassaqaarfiillu Qeqqata Kommuniata Meeqqanik inuusuttunillu inissiisarnerup pinaveersaartinneqarnissaannut, inississimasullu angerlartinnissaanut periusissiaq malillugu suliarineqarluni.

#### Pissutsit atuuttut

Qeqqata Kommuniani Ilaqutariinnut inerisaaviit siunertarivaat, ilaqutariit meeqqanik inuusuttunillu qitornallit/isumassugassallit perorsaaniarnikkut, inuttut katsorsarneqarnissamik, siunnersorneqarnisamilluunniit pisariaqartitsisunut neqerooruteqarnissaq, taassuma saniatigut ikiuigasuarnerit innuttaasunut tunngassuteqartut, qimarnegueqarnissallu akisussaaffigalugit.

Aammattaaq Qeqqata Kommuniata pingaartippaa angajoqqaat qitornallit meeraallutik sakortuumik unaminartunik sumiginnagaasimanermilluunniit atugaqarsimanertik tunngavigalugu inuunermi artornartunik misigissutsikkut tarnikkullu atukkaminik erloqissuteqartut katsorsarnissaannut ikiorsissallugit aqutissiuutissallugillu.

Katsorsaariaatsit inuiaqatigiit akornanni ajornartorsiutit piusut aallaavigalugit nalimmassaanissaq, katsorsaariaatsit inuttut ineriartornermut atorneqartut atorlugit, aammalu kinguaassiutitigut killissamik qaangiisoqarsimatillugu pasitsaassisoqartilluguluunniit katsorsaasoqarnissaanut neqerooruteqarnissaq pisussaaffigalugu, tassanilu matu ataaseq atorlugu (en dørs princip) katsorsaaneq ingerlanneqartassalluni.

Meeqqanut inuusuttuaqqanullu aammalu inersimasut timikkut tarnikkullu nakuuserfigineqarsimasut, siorasaarneqarlutilluunniit ersiortinneqarsimasut katsorsarneqarnissaminnut, ilaqutariinnut inerisaaviit aqutigalugit periarfissaqarput.

Tamakku tamarmik quppersakkami paasissutissatut saqqummiunneqarnissaat, inatsisitigut sinaakkusersuinerup kingorna Qeqqata Kommuniani Ilaqutariinnut inerisaaviit suliaqarfigaat.

#### Aningaasaqarnikkut allaffissornikkullu kingunerisinnaasai

Ilaqutariinnut inerisaaviit paasissutissatut quppersagaliaat Qeqqata Kommunianut aningaasaqarnikkut kinguneqassanngilaq.

#### Atuilluartuunissakkut kingunerisinnaasai

Quppersagaliaaqqap tamanut saqqumilernerata atuilluartuunissakkut kingunerissavaa, innuttaasut, suliffeqarfiit kiisalu illup avataatigut suleqatigisat Qeqqata Kommunianu tamakkerlugu takusinnaalissammassuk, assigiimmik ilaqutariit inerisaaviisa suut suliassaqaarfigineraat, aammalu qaqugukkut sukkullu attavigineqarsinnaanerit.

Taamaasilluni ajornannginnerusumik innuttaasut sunik naatsorsuuteqassallutik takusinnaalissallugu.

#### Allaffeqarfiup naliliinera

Atugarissaarnermut immikkoortortaqaarfik naliliivoq quppersagaq innuttaasunut paasissutissanik Qeqqata Kommuniani Ilaqutariit inerisaaviisa assigiissumik, eqaannerusumik, ersarinnerusumik kiisalu sukkannerusumik takunnilersitsissammat sunik naatsorsuuteqassanerlutik, aammalu ilaqutariinnut inerisaavinni qanoq sullinneqarsinnaanerlutik ersarissumik allassimasoqalernera tamanut iluaqutaassasoq.

Aammattaaq illup avataatigut suleqatigisartakkanut ersarississalluni Ilaqutariinnut inerisaaviit suna siunertarinaat, suut neqeroortigineraat aammalu malitassatigut sunik sinaakkuteqarnersut.

Quppersakkap inatsisitigut tunuliaqartup saqqummiunneqarnerata kingunerisaanik sukkanerusumik, eqaannerusumik paasinartumillu Ilaqutariit inerisaaviisa ingerlanerat qulakkiissavaa.

#### Innersuussut

Atugarissaarnermut Immikkoortortaqaarfik Atugarissaarnermut Ataatsimiititaliamut innersuussutigivaa akuereqqullugu

1. Qeqqata Kommuniani Ilaqutariit inerisaaviup siunertaa
2. Quppersagaq kikkunnit tamanit takuneqarsinnaasunngorlugu nittartakkatigut siammarterneqassasoq
3. Kommunalbestyrelsimut ilisimatitsissutitut ingerlatinneqassaaq

#### Atugarissaarnermut ataatsimiititaliap suliamik suliarinninnera

Ataatsimiititaliap 12. maj 2026 ataatsimiinnerani innersuussutigineqartut akuersissutigineqarput. Barnabas Larsenip piumasaraa quppersakkami oqaaseqatigiit allaaserineqareertut misissorluarneqarnissaat, oqaaseqatigiit paatsoorneqarsinnaajunnaarlugit saqqummiunneqarniassammat.

#### **Innersuussut**

Suliaq pillugu kommunalbestyrelsimut paasissutissiissutigineqarpoq.

#### **Aalajangiineq**

#### **Ilanngussaq**

1. Qeqqata Kommuniani Ilaqutariit inerisaaviup siunertaa pillugu quppersagaq
2. Ilaqutariinnut inerisaaviup neqeroortuai

**Imm. 8.1 Tamalaat**